

國史

四

内閣文庫	
番號	和 15289
冊數	13 (4)
函號	150 22

内閣文庫			
五〇	一	五三八九	和
六	三		書
架	冊	號	類



戴籍志第四

若知矣業于井子...

說在平齊...

袋神...

倫良可以齊家...

之習祇獲...

其得所以...

格之...

所未見...

行不克...

載籍志第四

明治十三年購求

雜史

卷二十一

引馬文庫

吾幼受業于井子叔其言曰善學者欲觀博而守約
 說在平齊王之嗜雞食跖數千而足矣又曰千金之
 裘非一狐之腋信哉縉紳先生或曰大學一書可以
 脩身可以齊家可以治國可以平天下至記誦詞章
 之習祇擾人心已古者經皆有博士精之又精無失
 其傳所以尊聖人之教也豈高作賦可以為大夫以
 智之周物而材之有能嘗為歟夫士雖尚醇謹日觀
 所未見月聽所未聞而後可達政事矣不者獨善之
 行不克化妻子況寧及國乎巫醫卜祝陰陽歷數諛

劍躍馬之伎、有國家者、廢一不可、若言、夫何厚巫醫、卜祝陰陽歷數、試劍躍馬之士之深、而以自殺其傾、賤記誦詞章也、曾點之志、在乎冠者五六人、童子六七人、浴于沂、風于舞雩、詠而歸矣、何益治道、孔子與之耶、事固不可執一廢百、作春秋而亂臣賊子懼、刑詩正樂序、易象繫象說卦文言、而後聖人之道、至今不墜、加旃孟荀語之、而諸子之流、不放恣、董賈述之、而經解之學興、揚馬飾之、而辭藻之徒盛、及彼諸子百家、雖戾聖乖道、亦足廣心志、遠耳目矣、離于此、合于彼、無不可存、殺青之目、歷代之史、列之無遺、庚子

以來外之諸侯、或僭差不易制、內之財用、左匱、百度未立、有司奔走、取旨、惟日不足、然比少有間、使讀自古有益于治道書、而論說當否、求兵亂之後、散失遺書、而藏諸御府、副在駿江二府、申寅阪之事起、轅門之中、矛戟之間、往往得遺編殘策、而令補缺正謬、每如不得逮、王家禮樂可考、而文學大興、百餘年而世所推尊、補宗師者、有加賀林氏、江西中江氏、洛下山崎氏、伊藤氏、參河萩生氏、立一家之學、執牛耳、輒近、其餘教授于一州一郡、播名方隅者、無時無之、大猷不出、五君之區域、其著書亦浩博、及醫卜雜藝、苟

有可觀者載焉

信而守之行而勿違莫過于陽明家山崎氏次之仁

齊次之徂來次之倍而不憾排而不校者唯羅山子

之徒乎又有非同門不交非同學不通文字而曰絕

半端者由茲益起有洛黨川黨而宋衰有東林而

明不振恒鑒諸

書而陳醇時或出焉

古言或古言或古言

本三五而反卷末

學未其

上州人閑流子易學合解評林八卷 毛利瑚均易

全解十二卷 山崎嘉朱易衍義 伊藤維楨

周易乾坤古義一卷子長胤經翼通解十卷傳義考

異五卷義例一卷讀易圖例一卷 太宰純易撥亂

一卷周易及正六卷易白要畧一卷 森鐵易撥亂

辨一卷六室直清易廣義 岡白駒周易解

因幡河田孝成周易新疏八卷別錄二卷

山崎嘉洪範全書三卷 岡白駒二典解

江村如圭詩經名物辨解四卷 太宰純朱子詩傳

江村如圭詩經名物辨解四卷 太宰純朱子詩傳

膏肓二卷 岡白駒詩經毛傳補義十二卷 紀德民詩經古傳六卷

宇野三平左傳考三卷 太宰純春秋曆 岡

白駒左傳鵠 菅沼文庵大學闡一卷

山崎嘉大學啓發集七卷 伊藤維楨大學定本三卷 大學非孔書辨一卷

淺見安正辯大學非孔書辨一卷 三輪善藏古本

大學一卷 物茂卿大學解一卷 室直清大學新

疏二卷 廣義 伊藤維楨中庸發揮一卷 物茂卿中庸解一卷

室直清廣義 伊藤維楨論語古義十卷 語孟字義 物茂卿

論語徵二十卷 宇野鼎論語考六卷 太宰純論

語古訓五卷 古訓外傳二十卷 守山侯論語徵集

覽 宇野鼎家語增註 太宰純家語增註十卷

岡白駒補註孔子家語十卷 山崎嘉孝經外傳一卷 刊誤附考一卷 竹田定直

孝經便蒙五卷 釋疑 毛利惕齊孝經集解一

卷 片山朴元孝經增註三卷 毛利虛白孝經頭

書增補三卷 貝原元端考經纂注一卷 芦川小
立考經詳解五卷

馬場信武五經圖解十一卷 太宰純六經畧說二

卷 伊藤元基四書通辯 越前大原武清四

書章圖畧圖解二卷 洛人祐令言四書章圖注者

考一卷 佐藤直方四書章圖便講一卷

水戸義公大日本史二百八十卷 林信勝本朝通

鑑前編三卷正編四十卷續編二百三十卷百將傳

二卷歷代紀畧三卷本朝摺古篇五卷鎌倉將軍家

譜一卷京都將軍家譜二卷織田信長譜一卷豐臣

秀吉譜三卷丹後守織田長清織田真記十四卷

尾張敬侯御年譜 林春勝歷代笏案錄三卷

林信守本朝遊史三卷 栗山愿保建大記三卷

藤井蘭齊國朝諫諍錄四卷本朝孝子傳

巨勢彦仙本朝儒宗傳三卷 深草元政扶桑

隱逸傳三卷 毛利虛白歷代要覽二卷 伊藤元

基源家傳統 太宰純和漢帝王年表 卷三

王外紀 卷 野間三竹古今佚士傳八卷 伊藤

長胤三韓紀畧 僧貞譽淨宗護國篇二卷

洛人安東守約三忠傳二卷 原田清藏逸民史畧

一卷 本朝列仙傳四卷 安積覺烈祖成績十

五卷 武藏稻葉正信先達遺事一卷 永井九八

本朝通紀五十四卷 黑澤弘忠本朝列女傳十卷

伊萬子本朝孝子傳三卷 鶉飼信之編年小史

宇都宮的日本文物志 室直清義人錄

右史 山崎嘉孟子要畧一卷 伊藤維楨孟子古義

毛利貞齊孟子井田辯一卷 万尾時春井田圖

考二卷 岡白駒孟子解 物茂卿讀韓非子

三卷 讀呂氏四卷 讀荀子

參政神戶侯椅蘭子三卷 長澤子樂浪子

井上通熙圖南子

右子

藤原肅惺窩文集八卷 林信勝羅山集六十卷

林春勝鷲峯集百五卷 林信篤正獻集百卷 林

信亮赤城集 林守勝讀耕集 林春信

梅洞集續勉亭集十六卷 那波方活所遺稿七卷

弟子伊藤宗恕坦庵遺稿 卷其子元基居閑集

石川四丈山全集二十卷 覆醬集三卷 續覆醬

集 那波守之老甫堂集三卷 野間三竹四

時函賞四卷 北溪含毫 水戸義公常山文集二十

卷 朱之瑜舜水文集二十卷 安東守約省庵文

集十二卷 子守直侗庵文集 水戸人見壹道

林塘集 水戸安積覺澹泊集 水戸森

尚謙儼塾集 山崎嘉岳加文革三十卷 續編

五卷 拾遺二卷 再遊紀行一卷 青山侯文學江村

宗珉剛齋雜編 卷殘稿 卷子宗和侯文學棕流

排悶集 卷孫簡毅庵吟稿 卷曾孫棕實青効遺

編 卷綬北海詩抄二卷 堀正乙槐庵遺稿一卷

筑前貝原元端存齋遺集一卷 弟篤信自娛集七

卷益軒集 防人宇都宮三近遜庵集六卷 筑後

守新井君美白石詩草一卷 詩稿 卷餘稿三卷 門

人益田助鶴樓遺編 室直清鳩巢文集十一

卷後集十五卷 祇園正卿一夜百首二卷 江東

柳川順剛雲溪集 卷 小倉侯文學石川正

恒麟洲文集三卷 洛人上柳美啓四明文集二卷

土佐大高李明芝山會稿八卷 伊藤維楨古

學先生詩集一卷文集三卷別集四卷子長胤紹述

先生集八卷 德山侯德山雜詠一卷 中島義方

德山吟稿一卷名勝志一卷 洛書賈瀨尾維賢拙

齊集 赤石教授梁田邦美蛭岩集四卷 款

生茂卿但徠集三十一卷 安藤煥圖東野遺稿三

卷 平野玄中金華文集刪六卷 太宰紙紫芝園

稿前後集十二卷 神戶侯掎蘭臺集五卷 肢部

元喬南郭初稿十卷次稿十卷三稿十卷四稿十卷

子愿卿鍾情集一卷元雄踏海集八卷 盲人高野

維馨蘭亭集十五卷 秋元以正澹園初稿一卷

長門山縣孝孺周南集 田中良暢蘭陵集

洛處士宇野鼎明霞先生遺稿四卷 仙臺

人小倉孟雅東海漫遊稿五卷 筑前神屋享歸鞍

吟草二卷 加賀平岩仙桂岩桂集四卷 播州松

井河樂餘齡長律集二卷東山日記 卷東行日記

桂山義樹彩岩集 肥文學秋山定政

玉山詩集六卷遺稿十一卷備文學井上通熙蘭臺

集 宇都宮侯儒臣星野龍凌雲樓集二卷紀

人劉維翰龍門集三卷 伏陽貫隆父桃

源稿 彦根文學龍野公美州廬文集十卷後

編五卷 武人仲村興風浪前後集 武人藤

倫富士前後編 武人茂呂源藏釣鰲文章

松原一清出思稿二卷 池田桐江樵漁餘適

八卷 尾人井上勘平防兵詩選一卷 尾人木下

實聞玉壺集四卷 松井東庵 詩稿一卷 撰

入江兼通西山樵唱集二卷 尾人細井德民嚶鳴

館集六卷 丹人華梁溫泉雜稿 肥人藪震

庵遺稿 肥前南部景衡喚起漫草 山

宮維深薰風稿 長崎石原學魯梓山拾翠集

崎人國思靖遺稿 城人伊藤祐之白

雪樓集 城人笠原龍鱗桐葉篇野春竹溪遺

稿共四卷 城人松井元規泉庵詩稿 田原

上大夫鷹見正長爽鳩詩稿 江都石嶋正猗

筑波文集 江都瀧正武北山遺稿 東

都藤舜政芦隱稿一卷 薩人相良玉山梅花百詠

一卷 松山一色時棟二酉洞吟譜 泉富人

唐金興隆梅所詩稿 彦根澤村維顯琴所詩

稿一卷 高松侯儒臣岡井孝先嶮州詩稿

武人芥川煥丹邱詩集三卷 谷三介芝山別集二

卷八 清水春流釣虛詩集一卷 江都管治文庵東
郭文集三卷 洛人叔玄閑居餘草 譯者盧
草拙吟嚙錄 稻宣義結髦居別集
人武欽絲梅龍遺稿 白杵莊田允益豐城集
城人烏山輔寬芝山吟稿五卷 略稿五卷子
輔門香軒吟稿一卷 佃寧軒龍溪全集九卷 音
木元激竹雨齋詩集二卷 摸賈人大井守靜覆窠
編 寰海遺稿二卷 河内人生駒山人詩集
平賀文茂鳳臺小稿一卷 中村勘風朗集
三卷 田阪長温瀨山詩集 增野有原雲門

遺稿 後藤省一家稿 蓬萊集一卷
耕道詩集 琴臺初稿 崑山集
桃仙詩稿 續醒齋詩集 和李崎百二
十咏一卷 菅丘雜編 西遊紀行 南海
紀行 大墨鴻壺集 濟北集 竹塢
詩集 霞池庵文集 九龜女子歸家日
記 柳川女子中山詩稿 尾人藤醒梅
東海紀行一卷 浮屠深草元政谷口山詩集六卷
草山集十五卷 温泉遊草一卷 續草山集 卷稱心
病課一卷 聖凡唱和一卷 元唱和集二卷 惺窩

大山元政玄光四家絕句四卷 高泉洗雲集 卷
高僧詩選二卷 有馬遊覽集一卷 新撰梅花百詠一
卷 土佐中津蕉堅稿 周信空華集 周興
半陶稿 月潭龍岩集二卷 石雲圓山睡餘
一卷 慧明一帆風一卷 南浦文集三卷 玄資江
陵集四卷 解脫集稿一卷 大潮松浦詩集三卷 魯
寮文集四卷 詩偈一卷 實存白雲詩集一卷 道
惠性空廬山外集二卷 僧正運啟瑞林集十卷
別源南遊東歸集二卷 南源芝林集二十四卷
貫休禪月詩集十卷 讚州宜翁竹庵遺稿

慧岩消閑集 摸州東溟琴浦小集一卷 雪岑
二詩集二卷 光謙草堂雜詠四卷 五岳花上集
一卷 笠岩泉福山景境詩歌三卷 宗彭齋搜集
二卷 玄光儒釋筆陳一卷 圓乘撰和覽勝一卷
寰海遺稿二卷 清僧道本蕭鳴草 林信
勝本朝一人一首五卷 井上玄伯扶桑鐘銘集六
卷 野間三竹本朝詩英三卷 長門人小倉貞唐
詩趣二十五卷 貝原篤信宋儒文粹 卷歷代詩
選五卷 藤原爾文章達德錄十卷 伊藤長堅明
詩大觀二卷 淺舜臣崑玉集 林九成扶桑

名賢文集七卷崑玉集後編三卷 菽生茂卿唐後
詩十集七卷絕句解三卷拾遺三卷四家集六卷詩
題苑三卷文變一卷古文矩一卷護園錄稿 卷明
公四序一卷 宇野鼎唐詩律二卷集解八卷 入
江忠固唐詩句解六卷 太宰純新選唐詩六體集
停雲集并夢沃熙朝文苑七卷續集 洛書賈扶
桑千家詩集二卷 彦山勝景詩集八卷 吉田元
俊名勝詩集四卷 三殿慶會集一卷 文苑雜纂
詞林意行 守山侯賴寬歷朝詩纂二
十卷後集八十卷 高良山十景 享保時馴

象編一卷 大鏘鏗錄 百絕詩集一卷 和漢
十題集 八居題咏 烟草詩一卷 燕
都試毫一卷 元旦詩集一卷 歲旦詩集一卷
明月篇一卷 尾松平秀雲弊帚集七卷 洞津奧
田士亨三角集上卷 齊藤必簡靜齋集四卷 林
信勝韓侯贈答聯句一卷 木下寅亮班荆集二卷
深見玄岱正德和韓集二卷 三宅緝明支機閣
談一卷 室直清朝鮮客館詩文稿一卷 跋部保
庸桑韓唱酬集一卷 土肥元成桑韓唱和集一卷
紀文學祇園正卿賓館編紵集二卷 正德中雜

林唱和集十一卷 藝人味允明廣陵問槎錄

大阪戲蝶翁西東唱和集三卷 相國寺祖緣槎

客通簡集三卷 須溪秋以正問槎畸賞二卷 崎

山 田敬通廣陵問槎錄三卷 享保中天龍寺月

心 桑韓星槎答響二卷 餘響二卷 前田時棟垣策

集二卷 尾木下賢聞朝比奈玄洲客館權祭集一

卷 長門堀内子戊辰問槎三卷 播人合田德韓

栗垣策集二卷 八代醫士前田道伯對麗筆語一

卷 韓館唱和篇一卷 山宮維深和漢筆談二卷

侍醫今大路元勳仙槎筆談一卷 河春但仙槎

筆談二卷 南宮喬卿講餘獨覽一卷 長門瀧弥

八癸申問槎二卷 侍前贈答 槎錄

和韓文會 大高李明韓客贈答

右集

會津侯正之伊浴三子傳心錄三卷 玉山講義附錄

社倉記 山崎嘉仁說問答中和集說性論明備錄

皆一卷 大家商量集二卷 程治教錄皆二卷 程書抄畧

三卷 朱書抄畧五卷 養蒙啓發二集 卷朱子輯要

卷文會筆錄 卷學規一卷 巨勢玄仙慎言集訓

遺言三卷聖學講義一卷明德說一卷物之說精一
集說一卷父母存說一卷教義內外說一卷白鹿洞
揭示考証一卷四箴附考一卷氏族辯正一卷安
東守約初學心法一卷佐藤直方鬼神論集說一
卷貝原篤信自驚編一卷慎思錄八卷朱子文範
五卷學則一卷倭木志一卷三宅道乙祭禮節解
古河侯正俊勸忠書一卷賜言錄四卷田
中允沢三才辨義三卷氏家源内聖學圖解一卷
中江快安理氣辨論二卷原田清藏經說拾遺

二卷鈴木貞齋辨蔡氏情覽一卷菅沼文庵飲
食箴一卷伊藤維楨古學指要二卷日札一卷童
子問一卷長胤刊謬正俗一卷經學文衡三卷辨疑
錄四卷經史博論四卷天命或問一卷古今學變三
卷通書管見一卷學問關捷訓要字義一卷語孟字
義標註一卷用字格一卷助字考一卷盡箴錄一卷
釋親考一卷勢遊志一卷名物六帖三十卷維楨
異學辨一卷物部茂卿辨道一卷辨名二卷琉球
聘使記一卷護園隨筆五卷英禮畧一卷文理三昧
一卷學則五篇明二直隸十三省考定圖一帖南雷

別志五卷 太宰純弁道書二卷 產諾二卷 親族
正名一卷 乱婚傳一卷 紫芝園漫筆八卷 什非一卷
松下謙水辨太宰辨道書一卷 佐木圓治辨
道書二卷 鳥羽義辨道書一卷 乙堂駁辨道書二
卷 小倉石川正恒辨道解蔽二卷 時學鍼燭二卷
上月專庵徂徠學則辨一卷 河口子深斯文源
流一卷 平野玄中古學範一卷 柳川順剛日知
漫錄一卷 森尚謙護法資治論 三輪希賢
陽明學名義二卷 中村欽入學紀綱 卷慎終疏
節 村田通信明君誓古略一卷 谷重遠譜

法三卷 木造至馬知恩誠意一卷 青岑田先生
桂苑推儲 小幡弥次郎告徒錄一卷 長澤
子王道内篇 並河亮天民遺言 松江
侯文學宇惠輔輔儲編四卷 貝原篤信筑前續風土
會津侯正之會津風土記 並河永宗
記三十卷 黑川道祐雍州府志十卷 並河永宗
五畿内志 堀正修靈泉記一卷
水戸史館總裁安積覺湖亭涉筆四卷 伊藤元基
三餘清事 野間三竹席上談 紀永田道
慶膾餘雜錄 香月牛山螢雪夜話 稻

垣龍軒東湖隨筆五卷 藤井蘭齋閑齋筆記七卷

井沢長秀廣益俗說辨四十三卷 中村明遠學

山録六卷 雨森東橋窓茶話 大井守静蟻

亭據言 五井純禎瑣語二卷 質疑篇一卷

安藤守約耻齋謾録 那波方活所備忘録三

十卷 帝王曆數圖一卷 僧元政草山要路一卷

源君美采覽異言五卷 江關筆談一卷 宇野鼎姓

氏解二卷 名字解 語字解 岡白駒史

記鱗 卷世說鱗二卷 木歟録 卷開口新語 卷

大段寺嶋良安和漢三才圖會八十二卷 岡嶋

援之太平記演義 服部元喬大東世語五卷

新語補考二卷 松井河樂文法要略三卷 人見

友竹文家必用二卷 服部元喬文筌小言一卷

木村貞貫詩筌小言一卷 福嶋熊阪邦西遊紀行

三卷 江村綬日本詩史五卷

維其始有天神七代 地神五代 天以是為天地以是

為地所稱說冥昧也 至神武帝人始為人而貴正貴

真賤詐偽慎祭祀教民鞅木誦古之言而古之事可

說是以序百官先神祇本邦之旧事也其弊強說不可說塗人耳目使民人多忌諱人知而畏之尾敬侯日本神社考以神祇之會津侯正經會津神社志亦難白井宗因神社啓蒙

職原家通律令格式知宗廟朝廷衣服儀伏禮節示民有上下等級不得僭越盖周礼大宗伯之職也弘文院學士林信勝職原會通水戸義公禮儀類典五百卷納言宗武服色管見十卷白

井宗因職原抄句解松下見林公事根元集

釋右職原

曆学所以推交會正時日備日月之灾傳曰唐人馳諸齋夫走是也祭祀有節貨財益殖是職所舉自古慎

吉田光由古曆一卷 山崎嘉克曆五卷 井口常
範天文圖解五卷 中根元珪皇和通曆二卷 律源
揆揮一卷 曆算啓蒙五卷 授時曆發揮四卷 天文圖
解揆揮三卷 三正俗解一卷 西川求林天文義論

二卷教童曆談三卷授時曆圖解
卓循環曆六卷馬場信武初學天問指南五卷
道溫曆鑑集要一卷筑前和田三立授時曆翼解
十卷

右曆家

數六藝之一也、窺天察地、非數、日月不行、體國經野、
非數、縱橫無紀、誅暴伐罪、非數、兵食不具、城郭宮室、
於是乎成、是其用也、至輕天戒、矜私智、其所短也、
物茂卿度量衡考三卷中根玄珪天元蒙幼二卷
算法不法集三卷七乘幕演圖二卷沢口子算法

記六卷京師藤國茂元算元記三卷圓方四卷
佐藤正興算法根元記五卷岡嶋友清算法明備
三卷奧田友益算數記七卷西脇利忠天元錄
一卷馬場信武天元指南五卷淵底記五卷
藤子極圓玉說一卷中村政勝天元樵談四卷
以兵名家曰義經、正成、太子、甲州、越後、太田、山中之
類、蓋起于慶長之末、誣甚、自是北条、山鹿、經推、誠極
等、紛起、大抵咸曰不戾聖人之道、而欲御昇平之

時其短也

右兵家

周有夏商之巫、漢有秘祝、或祈福于當年、或求安死者、不獨浮屠氏說、因景宗滅之語、大類虛無之旨、人情之不可無、至于斯乎、其流有法相、三論華嚴、阿含、俱舍、成實、天台、真言、禪、法華、淨土、一源百委、不可稱說、卜筮、非儒者不能明其義、陰陽時日、雖立家、天下率用浮屠神家、俱非世道所急、故不序列

右浮屠

小學所以傳今于後、達遠于近、要約檢制、不失權衡

也、形也有極、而勢也無盡、君子樂諸、自佐理行成、皆淪楮筆之習、而多為鄙、少為雅、自苦而不知反本也、水府右篆彙選五卷、古押譜七卷、華押藪七卷、朱舜水草露貫珠一卷、拾遺一卷、安東守約幼學類編七卷、貝原篤信千字類語一卷、心畫軌範一卷、毛利貞齋類字箋解八卷、物茂卿韻槩滿文考各一卷、隊率細井知慎紫薇字樣一卷、篆体異同歌二卷、中根玄珪異體字辭二卷、荒木正水心画纂要一卷、荒木是水内閣字府忘筌集六卷、池永道雲一刀萬象四卷、新奧文治爛古字譜三

大坂古林見直難經或問五卷弟子松下見林
運氣論大抄十二卷習醫規格一卷野間三竹倫
養編三卷黑川道祐木朝醫考二卷松岡玄達
用藥須知五卷貝原篤信願生集要香月
牛山醫學鈎玄三卷北山壽安北山醫按三卷桑
韓醫談三卷岡木一抱子木朝古今醫統十卷阿
是要訣五卷方醫辯疑二卷後藤省傷風約言
卷艾灸通說一卷下津玄知婦人方彙一卷奇疾
便覽五卷痘疹醫統八卷本朝名醫類案五卷下
津壽泉小兒方彙一卷松下元真小兒活法一卷

藤井見隆眼目精要二卷醫療羅合十二卷和
田要庵鍼法秘粹三卷紀伊宇治田雲菴醫學辨
害十二卷樋口好因嬰童醫按八卷竹中通庵
素問要語集註十三卷森本昌教難經大抄十七
卷大原先安醫門摘要五卷奈良宗哲傷寒方
彙二卷上月專庵溫泉小鑑一卷稻若水炮灸
全集二卷御醫山脇尚德醫則一卷香川備德
藥選三卷行餘醫言貝原篤信本草總目
香川則真卷懷食鏡一卷養藥籠本草
土州馬吉敬幼科新義一卷中山三柳病家要覽

八卷 芳村恂益二火辨忘編五卷 淺井周伯本
草摘要一卷 野呂玄文狂犬咬傷治法一卷 丹
羽正伯普救類 七卷 醫官望三英明醫小史一
卷 土岐重元醫工入式六卷 天民醫學正傳八
卷 北村友伯醫家專要一卷 紀伊澹齋脚氣類
方 宮胡成醫學知津 越前段哲幼科
捷徑 西京中山亨傷寒釋註 望三英
醫門多病
右醫
莫不有樂莫能得正存以待雅材之出

富永仲基樂律考一卷 食物部茂卿樂律考一卷 樂
制考一卷 函蘭譜抄一卷 琴學大意抄一卷 音太宰
純律呂通考一卷 納言宗武樂曲考十卷 古今
不有博奕者乎、為之猶勝乎已、凡有血氣之類、不能
須臾無思、則不能不動、群居終日、必也陷于不義、
聖人是以為勝、有君長、有父兄、亦不費為此、香者所
以達神明、而用之、閨闈、茶者、清心志、而權勢相奪、舞
者、以象德、而競奢侈、咸賊人之大者、

物茂卿廣象棋譜一卷

上世有音無字、中古假字名音、之謂假名、三行而
世代可紀、人物可傳、歌謠可採、維其後、用文代假名、
見則是、而聞則非、之謂真名、至國史已立、禮樂大備、
綱常不紊者、蓋其極盛、而忘非己有也、是謂古今之
變、假名未變之音、真名者已變之文、有國家者不可
偏廢而治也、搢紳君子、或用假名成書者、非所業、不

取焉、避不敏之義也、餘有一家之學、姑闕焉、

財貨志第五

卷二十二

豐臣氏之起、不過一亡命徒也、非有族姓顯于世、非有功德加于民、非有資產雄于時、乘戰國之弊、當織田氏之君臣兄弟相戮殺、奮詐刀、服群雄、曾不十年、為政于天下、上古以來、未曾之聞也、然其志不在民、聚斂以務縱嗜慾也、舟車之所通、莫不受兵、絲麻之所生、莫不供役、萌芽之取根、不能免課、戶口日減、道路壅塞、民無為樂生也、我神祖介居強國之間、崇儉約、弛賦稅、豁譏禁、通魚鹽、以贍不給、以事大國、以拒強敵、用度亦粗無乏匱、嘗江戸日、徒小田原民充焉、

師旅之後、踐蹂之餘、草垣土城、至撤船材、造玄關、尋北討九戶之反、西赴名古屋之役、府庫而不足、滿囊困倉而不足、供糧、因是採金之事起、詔在大久保長安傳、長安既得主計、國稍復足矣、大閤薨、居伏見三年、追上杉景勝不朝、舉兵伐之、至小山、會石田三成作亂、引軍西出、誅三成、令除關市之禁、不稅夫里、以富商賈、移諸侯家于江都、一年居邸、一年居國、縱其所為不問、然尚恐有恃畜積不可制也、命阪鑄銅佛長十丈餘于京師、徵徒役于列國、城皇宮及二都、又築二條、名護屋、高田、笹山等、雖固藩屏、實弱其力也、

初上杉氏採金于佐州、所得不過所費、至屬司農、大久保長安率其屬往、得黃金無貨、其餘石見伊豆出銀尤多、銅鐵鉛錫、琉礬砒丹之屬、無郡不有、乃始鑄幣三品、黃、白、黑、利民財、阪之戰、用凡四十萬人、到軍者皆仰食司農、而府藏有餘、阪城中金寶山、積神祖閱士卒、久暴露、迨克城、縱取一貝、所散不過半、明年、厭代、分貨賜三藩、有司、收其餘藏、久野山益增、江都而大焉、復起阪城、所費巨億、蓋極盛云、初金森長近有茶貯直百金、欲賣、德祖欲之、閱中府、唯有三十金、是以止、厭代時、遺命賜列侯宗室、黃白金、太宗復分

賜所得与之、凡五十萬、賜萬石、以下有司、諸衛不算、
是時、佐野富人創海運、天下仰之、寬永九年、從奧漕
粟達江都、二食多、益殷富、大宗立、治光陵、令不得
論經費、一石之價、或萬金、上亦時、二病起、奏猿舞為
樂、縱商賈觀焉、賜人錢千、菓十人、酒一壺、又積錢于
馬場門外、集民縱取、上、二城俯視、老弱為相踐蹂、有
創者、或至死、執政以為愛而欲觀其受賜、受賜墮性
命、非愛之、二道也、自上止之、既往京師、發銀百二十
萬兩、賜京師民除改界、奈良屋稅、還賜駿江民、弛天
下租稅、是以閭里小兒、知賤貨、而原城之役、及內城

災、未曾有取于民、然府庫之積、稍、二耗矣、士大夫競
奢、移益甚、輿馬聲色之美、頗擬王者、迨家貲盡、日、二
廢縣官振濟之、數賜數空、時上方病、以帛束首、朝士
大夫、言曰、日者德祖遺命、賜金增俸、吾亦從出貸、冀
以周贍、頃聞又大匱、吾為之不遠出、念其自完、此非
吾失教、人人競奢侈之所致、熟思所以救濟、非府庫
能所取足、若或力、二有事于戎馬之間、不能備一日
之食、吾孰与往、如此國家之事、去矣、二怒、二泣、讓之
尤至、士大夫惶恐、不知所出、殿陛之間、宗然無聲、酒
井忠勝出列進曰、驕奢侈靡、其咎烏在、二宜入、二戒厲

以應至意、賜予賑貸、徒長惜贏之心、無益于事、自今
以往、一切停請給、取足于俸祿之中、謝罷朝者、上復
慮商民失業、祭梅兒日、使侍中廣之往觀、舟舩掩江
而下、歌童舞姬填于廣衢、鹵簿不得進、上大悅、它日
將往淺草、有言其日鬻歲物者、上恐市廢不行、憂念
臣民如此、明曆二年、都中災、城郭宮室十不存一、嚴
宗發御府貸列侯以下、及散十六萬金、振被災之家、
數年人忘有災、司農伊丹康勝曰、取用多乎所入、
後居此官者、恐不能繼之、此時非縣官特然、列侯宗
室奢僭無制、以令禁之、不能止、上之徵令失期、則罪

不可測、祭喪有時、嫁一女、三年室空、習俗不得不然、
富商大賈、持急釣利、一事一物之微、不与之謀不成、
又大抵生貴鬪事、有所嘗為、舉附之一賈豎而已、監
臨耳偷安目前、不顧後弊、外雖矜等倫、內實日二貧
窶、然上委政輔臣、無它興作、雖遭災變、不至空竭、憲
宗立、大封外家、及曾有德于己者、籍舞戶為廊衛、猿
舞之費、日不下數百金、造中堂于上野、用五十萬金、
寵僧隆光、造護持院、護國寺、其徒所言莫不聽、謂之
七僧、極橫恣、白金吹上小石川、設別館遊焉、翫好服
御賜予之所須、倍于前朝、府庫為之索然、乃以參政

稻垣重富司農菽原重秀主度支專以勾剝取足於
是上欲之光陵再令再止重秀進言苟用臣之策雖
之京師可矣况光陵乎上悅用重秀之言改鑄金銀
寶永初地大震毀樓櫓城隍填壕數千間宮室之飾
道塗工夫所費巨萬三富士山曉雨沙土數十里失
良田數百萬頃賦天下振豆相之民發諸侯移沙土
于海重秀所畜率盡重富議榷酒利徵五分一省諸
用度收毫釐之贏內中至洗餅器為糊漿赤飯有餘
鬻之午市然所靡益廣不能饒給至文宗遷重富為
知政事益務興利以為賈人於憲宗時納物于官受

直過數使吏追徵三分之二自在位咸惡之數月坐
事罷官重秀亦免時於城中起四足門極麗因甲別
策建別館于海上謂之濱館新井君美草待韓使之
儀廢財倍前是後大喪相繼倉庫不充列侯益貧德
宗為紀侯時治紀二富章宗無嗣以宗室選入嗣統
興利之臣盛進其術雜稅因茲大起然無大橫民不
至失業時議或過其實作事可不慎哉雜稅有因時
而設者有以事作者如稅涉者造橋二成稅止因時
者也稅舛天買徒力供行宮之用常斂以待出遊以
事作者也凡此類咸自賈人發之附其人施行上召

見名儒物茂卿言事、茂卿陳國家大計、上自一人、下
至士庶人、禮樂刑政、因革之宜、文多不載、頗採用其
事、令列侯居國以撫士民、以省費用、以崇儉約、以富
其國、然而納貢賦、助縣官、知政事、岡崎侯忠之判度
支、部吏壘關、縣官方足復舊、關曠決陂塘、尺寸無不
入籍、東宮直學士室直清上封事曰、臣見令文、自今
諸侯歸國、一年半入覲、居都半年歸國、臣意江都省
人衆大半、風俗厚善、火災稀少於國家、使然、臣深慮
遠謀、祖宗之制、不可改革、更易若永行之、有不可勝
忌之害、上前面命臣反覆極言、臣亦以為使、今者不

然、請得詳論焉、臣謹按兵法、有軍形、有兵勢、不知者
敗、何謂軍形、堂一之陳、整一之旌、使寇望之氣褻、畏
之陣潰、是也、何謂兵勢、下山之車、順風之舟、使士前
而忘死、奮而冒難、是也、曩者天下初定、雖內懷不服
之心、尚猶爭來恐後、是其形成也、及移室家江都、天
下之衆、不期而會、如歸其鄉、是其勢使也、至今百有
餘年、以為固然、無敢違令、比諸足利氏之時、藩鎮據
險、自固州郡、專兵相攻、不可同年而語也、天下之安
危、國家之盛衰、係此一舉、臣雖愚無知、不敢不盡愚
衷、新令竟行、臣恐列侯以國為家、前所謂爭來恐後

之心自然解士民以都為害前所謂如歸其鄉之意自然沮其究得足利氏之禍而止矣且上欲省衆不若立法減列侯之騎步徒群臣無職事者于遠効二三里五六里之外若然都中無紛擾之累市肆無容蕪之地風俗淳朴火災弭消唯上願留意于臣之言直清亦言省用度者非不顧士民之苦願擇其人領之今聞有司見宰臣咨事恐激其怒輕見折辱廣廷有不得顧身之變箱口不盡嗚嗚而退是風遂長大不使國家蓋上初欲永行之假立期試之數年都中物不估戶口衰減馭亭蕭條而吏無它主張是以終

用直清言除貢賦法使列侯因旧交替尋免忠之以知政事松平衆邑判度支參政本多忠統副焉稍厚欵于民行司農細田時以之法其法視十年豐耗收租改鑄金銀增鈔錫之劑以鐵錢相權而行寬保元年信州山水湧出關東尤蒙其害上乃發西諸侯修築堤岸一切雇役救流民以均天下置退灘丞收河塹之稅後以度支少監神尾春英為司農廢細田氏之法而不用每秋載師巡部收稅雖水旱不能免民始若法而樂屬國邑昏吏以培克為賢苟有利不憚改造吏弊大起縣官饒富

所以御民者二、曰政幣、所以事上者二、曰刀食、行而不苦、取之不窮、天下無不戴、要在乎斯已、金銀蓋古寶而藏已、天正未、始鑄黃金、重十兩、文祿中、為其甚重故、別造四種幣、一曰小板、重一两、以黃金、圓楮之、以為小於楮金、而薄似板、當金錢之四、更名楮金為大阪、二曰一分金、方而少長、重四銖、累四至兩、銖重三分、三曰重十兩、以白金、楮長無範、四曰輕重無常、謂之碎銀、慶長中鑄銅錢、其文曰慶長通寶、推行之法、四當永樂通寶之一、永錢十直銀六十錢、銀六十錢直小板一两、小板七兩有半、直大阪一枚、雖法已

布交易之間、不能不生差、有時乎貴、有時乎賤、無常價、天下既定、置局于洛駿、齊天下之幣、特甲之金石之銀、如故、初武田氏以砂金靡散、易耗、鑄三種金、大者重四銖、謂之碁子金、小者二銖、一銖、十一年冬、廢永樂當四之法、因爭訟繁興也、德祖時、國家無事、為銅錢小、置局鑄錢、其文曰寬永通寶、自是以來、耗吏鑄給乃止、其局不常置、民便之、明曆災、錢燒過半、知政事松平信綱言、習俗用財倍古、銅錢少甚、請鑿洛大佛鑄錢、更造以木、佛以濟世為教、無所不可、上曰善、書背曰文、言寬文中所鑄也、是以銅錢饒、以一两

易五千萬治二年鑄金銀大馬各二十枚重十萬兩以備軍國之費勿為常用初神祖以為幣多傷未幣少傷農察多少之宜散之民間其後相因無增損至憲宗好興作國用稍儉金工欲劑白金增御府之藏已因鈎利時知政事土屋數直者崇儉約為百司之率金工因請其舍人言之數直一曰不加賦稅富國上策也但金以精而不多為貴若多而不精孰其室之抑而不言迨司農重秀幸上請用金工議參政稍垣重富主其說數直不能爭於是劑銀錫鑄黃金重六分謂之元祿金寶永中以銅鉛錫劑銀印寶字

言室永中所鑄也後亦漸加至四其法一字銀八直古銀六二字銀直一字銀之半三三之三四四之六相兼而行然不軌逐利之民藏古銀不出數粗與前相當又以黑金鑄大錢文曰寶永通寶背漫有字永久世用直小錢十与省百輕重不相中文宗為世子時視民間不為使嗣位初即廢之筑後守新井君美曰幣不良恐招後詢文宗然之點諸主新幣者改鑄乾金重六分鑄銀廢鉛錫之劑元祿中所鑄當四字銀之四前是郡縣往一置鑪鑄錢二漸三散適遐陬用之如都下不耗元祿初以一兩直四千正德中以

幣數改未定、民多貯銅錢、是以益貴、以一分易七百、時有言民間多匿慶長幣者、令得行之、金銀果大出、因以乾金為二銖、德宗立、銷乾金、用慶長式為幣、直大貴、數年亦起、乾金存者、金錢相中、輕重始平、德宗方憂國用不繼、念有興作、茂卿曰、金銀之賤、非鉛錫之劑使然也、以錢少故也、今天下雖鹿若細如之物、不下於一錢、一誠價之始也、積至少、至大、何憂貨之賤、喻如大家多奴、小家少奴、若少則卑、奴多則貴、何常之有、上聞之心動、元文中改鑄方金、重八布、累四為兩、側印文字、銀亦如之、納古幣百、受新幣百、

六十五、幣多而錢少、直不如乾金之重、民愈貴錢、不出而匿錢、令起、沒財產、流遠、家至搜索、不能禁、物貨踊貴、無所得錢、乃急置鑪、鑄銅、不足則以鐵、錢不可藏、民無侵利、久之朽敗、不可用、益鑄銅足之、從是無甚軒輊、只布帛、奴婢、率守古價、而菽粟之屬、皆隨今幣、非彼黠、而此淳、因俗漸侈靡也、朝鮮人來、賜銀、無算、及歲中、自對馬所遺、薩之所、琉球、崎港之交、易于夷蠻、一出、不歸者、不知幾何、後崎港、只用銅、而私駕洋中、為姦利、歲有識者、已有論、不見採用、賤人納棺六錢、不知創于何世、享保中、一浮屠上疏、請代

以紙上嘉下有司、然不能行、大抵物價、穀為大、布幣
提衡、而刀貨為之役、穀貸之移、莫大于賦稅、法方
六尺為步、三十為畝、十二為段、今因豐臣氏之
法、以十畝為段、十為町、齊民一戶之產也、一戶所
耕十段者、令不得分子孫段、得米一石、取其四斗、上
之、不過三之、下之、不至減半、每歲、載師察熟、不而上
下之、圃田種麥、方熟、收稅、大率以實數一石四分石
之一、折永樂錢千、關西收銀、關東收金、依民使之也、
關西畑田、不異法、二分收米、一分收銀、四十錢
折米一石、當田祖之半、使民以田為率、雖州郡各有

成法、大抵段五日、專治溝渠、曰用水役、然役有衆寡、
額無升降、較數歲之中、為平、刀稱荒川等、置防川使、
修堤岸、遠徵役、民不便、為雇役、均勞佚、謂國役、逆旅
驛迎、無田可耕、無貸可鬻、則歛錢給之、謂宿役、傳馬
役、皆量之為課、數歲若數十歲一賦、它徵發皆然、在
昔魏李悝作盡地力之教、雖遇水旱疾疫、民不散、國
以富彊、其言曰、糴甚貴、傷民、甚賤、傷農、善為國者、使
民毋傷、而農益勸矣、善哉、此言運諸方寸之際、四境
之內、皆應、非法度、号令之所能得也、潛移民之耳目
而導之利者也、關東收圃田稅、以五石折十錢、實數

去其半、以糴貴又半之云、寬永中以一金買米三石、
仙臺五石四斗、九年海漕至都、二下從是多粟、貴而
復賤、二而復貴、大率十餘年復初、而數周之後相距
遠甚、至元祿初、一金直一石有半、尋逢洪水、驕躍糴、
其價已倍、後或上下、不離元祿之價、章宗時、以金輕
故易四斗、其法宜勸不勸、宜傷不傷、一者鑄多、耗不
方之一、二者停滯役貧者、不貸之急、而穀之急、三者、
富人倍價、歸已此所以益貴而農益傷者也、不獨穀、
不經買人不行、經買人則價倍、蕪而利不歸其本、
傷而未富、生之者儉、用之者侈、何以能足也、物土之

宜、誠不可易、然亦有待人之種之而生者、至孳息繁
衍之時、如類自然、上古無木、綿今也、中人以下皆服
無蕃椒、炯草、今也、雖一日不可無、水府義公、察禽獸
草木可移植者、雖明清朝鮮必致焉、有而不知者、教
食之、宜暖者、移諸房、總豆駿曰、我欲利天下也、規那
珂之野牧馬、二大學息、產良馬、寡海物、使人北適、松
前、取石之生、昆布者、南適江都、取海參、海螺、魁蚶、投
諸海、白魚、觸網則死、暴而致之、明年生白魚、蛤不美、
以江都種味美、樹漆、楮、楹、及教以木、槿、三又、柳、竹、松、
皮、麥、稗、稻、銀杏、菰、蘆、造紙、天下經史皆用水府之產、

子居内、二州為孽、當邊、東西千里而近、南北百里而遠、海隅可居者、或在百里之外、或十餘里、往而不在、羈縻蝦夷、服屬琉球、役使三韓、控夷蠻、交易于邊、王迹西創、霸業東成、山莫高於富士、湖莫廣於琵琶湖、川莫長于刀稱、莫急於大瀨、陂莫大于方能、途莫險於歧岨、固莫過於函嶺、碓氷、海莫危於鳴戶、野莫廣於武藏、界河山、分國相形勢、制名、作風土記云、自檜原以來、遷都五十餘、桓武帝初相地于山城、葛野遷焉、寔曰平安城、後嗣無遷去者、特平清盛叔高倉帝都于福原、不一年而去、清盛時制生殺之權、皇室遂卑、

清盛死、源賴朝盡亡平氏、威制天下、為征夷大將軍、立府于鎌倉、賴朝弟義經、叔父行家、得罪于賴朝而亡、賴朝請自為六十六州掾、追捕使、部兵索之、州置守、護掌治、謀反盜賊、殺害人、差兵入衛、後稍收所屬而臣之、天下之事大變矣、然亦未嘗不聽守、天子有所寵幸、賜之田、則武人使去、待他闕所而與之、賴朝死、北条氏竊權、制幕府如制皇室、後鳥羽帝与愛姬色、而北条義時不使其主受代、是以承久之兵作、帝已不克、皇室益衰、醍醐帝之滅北条氏、天下悅、誅暴而不樂其政、迨足利尊氏反、歸之如市、帝出居芳野、

僅能自守、尊氏挾光嚴帝、居平安城、爭戰無已、時隍
壘、梟峙、州郡瓜分、袒庸衣食、戰士弁斗不入官、公卿
端委寄食于鞞、幹之間、至尊氏孫義滿滅南朝、一天
下、使其宗室、功臣定食所據守之地、藩鎮之形成矣、
然後強弱相兼、大者十餘州、小者數郡、豪傑起其間、
不可遷徙、封建之勢成矣、當是時、天下不復知有皇
室、臣弑君、子弑父、莫不有之、倫理綱常一掃而盡矣、
削弱增強、賤挾引廣、隴畝畛畧、東西舉廢兵、戶口衰
減、不育產子、境土數十里、而或無烟火、當是時、天下
不復知有制度、自神武以來二千有餘年、未曾有如

此也、我神祖起于戰國暴亂之後、撥亂反正、卜居于
江都、二殷富天下、大定、有封建之舊、有郡縣之治、
上奉皇室、下臨萬姓、戶口日滋、雞狗相聞、雖西土之
大、不過增三之一、雖風土記所載、疆理不讓正、嗚呼
盛乎哉、

陸奥百八十五万六千九百九十八人
出羽八十三万八千四百九十八人
越前二十一万四千八百九十八人
加賀十六万七千七百七十八人
越後百一十三万二千三百三十八人
丹波二十八万二千九十八人
佐馬十四万四千九百八十八人
伯耆十四万五千九百九十八人
石見十六万九千九百九十八人
播磨六千二百七十九百九十八人
備前二十二万四千九百九十八人
備後三十一万九百八十九人
因防二十九万二千九百九十八人
純伊六千九百九十八人
河内二十六万二千九百九十八人

順美二百二十六万二千九十八人
美作七万七千七百七十九人
備前二十二万二千九十八人
備中三十一万二千九百九十八人
備後九万五千九百九十八人
丹波十三万五千九百九十八人
因防十二万五千九百九十八人
石見二十二万九百九十八人
河内一十九万九百九十八人
伯耆十七万二千九百九十八人
備前二十二万九百九十八人
備後十五万九百九十八人
長門二十三万九百九十八人
河内十萬七千九百九十八人
河内二十六万二千九百九十八人

伊豫六万八千九百九十八人
飛騨六万九千九百九十八人
美濃二十二万九百九十八人
北前六万九百九十八人
日向二十二万九百九十八人
薩摩二十二万九百九十八人
對馬一十九万九百九十八人
高知二十二万九百九十八人
大分二十二万九百九十八人
門司二十二万九百九十八人
下関二十二万九百九十八人

出云二十七万二千九百九十八人
備前二十六万九百九十八人
備後六万九百九十八人
北前六万九百九十八人
大分十三万九百九十八人
河内二十二万九百九十八人

序官志第七

書曰唐虞稽古建官惟百內有百揆四岳外有州牧
侯伯廢政惟和萬國咸寧夏商官倍亦克用又明王
之政不惟其官惟其人以是觀之立官之意可知已
漢承秦之制因事設官不事効古吏治亟久不至
子姦唐取宇文氏之周官包南北之遺法比之前古
制度大備然多官是厲民門資足抑材空名足傷實
而不能比隆周漢其要烏在漢以後得其要者特
明而已以故至其亡權無所分其失或近慘數本邦
雖據唐官省冗抹要亦不可尚也其失或終不振難

哉錄倉之時特右執權探題評定衆奉行頭人守護
別當之名其政尚嚴足利氏置自管領四職至末男
十一等其政失緩神祖承大亂之後統一區守兩器
所濕舟車所通咸未稱臣則非復霸府之事然其立
官制治大抵在簡易內因未遠之旧外視織豐之故
當事奏置隨時增損足上奉一人下臨萬民綱紀庶
改而止自執政至督吏有分者有併者有小而大有
尊而早邑大者補尊官小者得卑職無考試課第之
法以身言風聞自進職進則祿進則無飾以及子
孫地有限進官無窮數世之祿雖有其人不得其官

德宗時直學士直清言曰國家之制以官受祿雖致
仕羈官不及其邑國家除官無窮而地有涯也以有
涯之地而給無窮之官不知其終如何臣願群臣有
職事者設階級五六等俸祿祿收從其上下致仕辭
官即歸有司其有特恩封授傳之子孫者不在此限
其新升朝及以材斂食子官者非得旨不許襲替臣
又願命司農量地為俸祿之限使所出之米優有所
取以緩有司之責又觀某月日令憲宗以來仕者非
親子孫不得襲替按令意此上不得比因初勲勞之
臣雖無親族得養它姓子傳俸邑下得不比新任者

雖親子孫不許承襲甚稱其宜雖然此輩其祖若父
當升朝之時無不前朝仕者異子若孫咸以為永世
無妻帑凍餒之慮今俄見此令雖有親子不保後與
流離之患况無子孫至使黃耆貽背之老對子女涕
泣語曰君子過于厚願止為此輩別賜处分止後之
列侯以下假以廩祿至罷而止是以百石之家或居
大夫之列而人自奮莫有不盡其材直清又言雖
親子身不得取商賈為養子其餘論養子事宜尚多
不可施用而止復因問歷世選舉之法遂言曰選官
在乎選舉在乎心長今竊一有寄合有親衛官

衛新衛大衛扈衛有小普請凡七部皆有將校尉特
寄合屬參改尊貴職劇不能親細事請別置官
領之統屬既定設三科比七部嫡子自二十至三十
行無大過子挽弓子騎馬子讀四子無謬父兄常教
不從將校尉屢試勉之竟不為者黜不得為後設六
科比七部三十歲以上正直不諂子質行正言子有
材不誇子孝悌睦友有異行子學而不忘達經術子
善挽弓善騎馬皆不取無行義應一科者諸衛免分
番寄合庶子免納資分番交直如漢三署即金馬待
詔以待召對扈從自薄使郡國以待闕官唯上所啟

使將校尉當無事之日飲酒所屬如周賓與以察能
否其無行義者常加規誨不從者請行黜免不舉心
者將校尉坐罪亦不闕上直賜金謹慎者上病而闕
直不受賞者有為桀鰲不羈強病上直終日卧廬中
以受賜者有為如方馬近多為賭博之具風俗大抵
如此不可不察所言次第奉行著為令唯寄舍及置
待詔為事體大姑止時麾下多不能自給者有司請
金振贍命問可貸否直清与大衛習事者武藤庄十
郎議曰麾下多貧者是非咸用財無度而已數經燔
室家中多口又祖時既多称貸咸亦已所取不振貸

尚食 膳夫 庖正 膳宰 饗正 外饗監 外

饗 內饗監 內饗 庖人

理官

大常 江都尹 司農 捕賊令 大理寺讀牒

大理事丞 錄事 監囚

憲臺

侍御史 監察御史 檢砲使 檢取籟使 館驛

使 御史臺 驅使官 臺卒

大府

判度支 司農 度支少監 殿中司計 司計

計吏 導官令 導官丞 勘契使 職內 職歲

左右尚署 典事 寺庫

林澤

藥園監 花園監 林衡 漆園令

郡縣

郡代 代官 防河使 退灘丞 量人

作部

大匠 百工監 將作少監 典事 監作 監作

計吏 都科匠 中壘校尉 典事 內大匠 典

事 監作 將作少監 司 主章長丞 司

何以更始行勸懲之政亦不應造施藥院恤閭閻之意亦不應續先業臨群臣之意臣等意千石而下須感復而不足徙其人于遠郊給衣食外分附貸者債盡復故勅將吏禁侈從約飲金納庫倫出使婚嫁燒之灾臣亦願下令量工費立物價不使士民至無且夕之儲

外朝 執改尚大老 知政事 大雷守 參知政

事 內史令 內史 令史 循起居注 司祿

諸子 外史令 外史

殿中

特進 大行人 奉朝請 謁者 外親信 騎郎

行人 職幣 火師 外給使長 外給使 知

更 洒掃使 直醫 傷醫 惠民藥局使

內朝

侍中 郎中令 內親信 中尚署 國子祭酒

侍講 侍讀 直學士 侍醫 內使長 內使

茶房直長 內給使長 內給使 司力令 典事

秘書郎 尚方丞 細作署令 人出衣 不味

後宮

內宰 西城番守 某家令 直闈長 直闈檢

印所正 某司丞 防人 主進

大官

里 司水 街道使 漆油丞

閑廐使

閑廐使 大廐令 乘黃 駕士 獸醫 典牧

馬質 牧師 率掌 廐養

鷹大局

領鷹犬二坊使 鷹師 鷹士 鳥人長 平鳥人

笏人 囚人

船官

都船丞 陪乘 舵工 淺船印信所

雜職

司載 祝史 國風博士 連歌師 畫工 棊二
象工 伶人 舞工 四部伎 明部伎
武官

大衛將 國校尉 大衛 翊衛隊率 砲卒

宮衛將 副帥 宮衛 翊衛隊率 砲卒

親衛將 副帥 親衛

庶子 校尉 納資使

新衛將 副帥 新衛

扈衛將 校尉 扈衛

先驅將 不隊正 先馬

司常 隊率 持旗卒

司槍 隊率 卒 百槍帥 槍卒

百砲帥 中軍弓隊長 中軍砲隊長 防火司

前軍弓隊長 前軍砲隊長 西城北門校尉皆有

隊率 左右屬兵

天守觀使 守宝库使 咸有屬士

貝師 鼓師 司煩 司砲

武庫

司申 守官令 司弓槍 司砲庫 司火藥 火

藥計吏

使額

監造某廟使
造某廟使
館伴使
某廟攝祭使

祭儀使
充某防火使
太子友
監交替使

逆旅點檢使
將行
借補
漆差

外官

京兆尹
左右小尹
皇宮衛尉
南宮衛尉

二條留寺
副留寺
行殿丞
洛陽令

大阪留寺
府掾有
總部管匠
管糧
管鹽
鼓管買管

石管賊
左右副留寺
總部其六
管成用隊率

左右尹
都船丞
管匠
管糧
鎧曹
司金

司砲
司弓矢

駿府留寺
副留寺
令
管匠

甲府留寺

光陵令

久野令

長崎尹

伏見尹

堺尹

山田令

南都尹

浦賀尹始治于下田

佐渡尹

新居大津清水等尹今省之

右官制

万石以上 万石以下 掃部者 給事中 留寺等

官 大衛將 侍御史 江都尹 司農 司農少

監 庶子 大匠 中壘校尉 司常 司捨 諸

外官屬知政事

万石以下 三十石以上 官親 二衛將 新扈衛將

內大匠 外親信 親信 中尚署 近臣今省

比近臣今省 相宮廊下 二衛將今省 百砲將

中軍前軍弓砲隊長 東城留寺 防火司 監

察御史 行人 鷹師 先驅將 都船丞 司刀

令 外尚署 學士 茶房直長 秘書郎 內史

令 外史令 內使長 膳夫 庖正 尚方丞

主章長丞 鳥人長 醫 花園令 癩養正 大旣

今 画工 舞工 四部伎屬 參政

廟陵官吏 天下僧尼神官 連歌師 伶人 茶

工 象工屬 祠部

三千石以下 今置庶子 復置庶子 校尉領二百石以

下司甲守宮令司火藥司弓槍司砲庫

直闌長檢印所正計吏亦屬天主觀使守

宝库使大理寺丞屬留寺

沒財貨丞屬侍御史

載師二人後併監囚司水後屬江都尹

殿中司計司計職內職歲尊官令林衡

漆油丞郡縣官吏屬司農司凡筵淺船印信所百工官細作署令將

作少監典事監作監作計吏屬大匠

驅使官臺卒具師鼓師火師小將行

行燈丞園工園人勅使館丞昇者長酒

掃使諸徒奴長屬監察御史

右官屬

給事中五十駿府留寺邑三十留寺大衛將並五十宮

衛將親衛將並四十度子侯傳侍御史江都尹

司農減三十大匠中壘校尉內大匠減二十甲府

留寺三十長崎尹加四十京兆左右小尹加五十大阪

左右尹加十駿府副留寺加七十百布衣百皇宮衛尉南宮

衛尉山田令減百光陵令加五十堺尹加十南都

尹加二十成五十位以駿府尹加五十佐渡尹加五十浦賀尹

居浦賀加 西城留守 二千石 廢子 三千石 新衛將 二千石
內城留守 司常 二千石 百砲帥 三千石 司槍 二百石 中
軍弓隊長 中軍砲隊長 並千石 防火使 三百石 外親
信大夫 國子祭酒 大夫 後宮令 百加石 廢子 侯親衛將
百加石 廢子 侯典客 百加石 二千石 以上 三官嫡子
醫師叙位者 直百石 中加 大校都船丞 加千石 前軍弓隊長
長 前軍砲隊長 百加石 監察御史 行人 官衛
副帥 親衛副帥 咸千石 司砲 西城北門校尉 百加石
前驅將 扈衛將 並千石 都船丞 七百石 廢子 侯弓砲將
百加石 主家令 百加石 東城畱守 外尚署 司刀令 七

百鷹師 千郡代 度支少監 百加石 內史令 四百石 以上
五百石 以上 新衛副帥 大衛校尉 咸六百石 膳走 加
百畱守校尉 直闔長 加百石 揆印所正 西城揆印
所正 並四百石 外史令 加百石 廢子 侯直闔長 扈衛長 前
驅長 丈人家令 秩百石 騎郎 官衛 親衛 司里 咸
百外尚署 典事 加百石 司火藥 加二十石 司砲庫 司弓
槍 咸加十石 天主觀使 守室庫使 並四百石 司甲 守官
令 並加十石 秘書郎 人糧 七 大既令 扈 正 加二百石 新衛 百
五十石 司力 尚署 大衛 二百石 內史 外史 駕士
扈衛校尉 三百石 司計 大院管匠 導官令 司

煩載師 勘契使加二百 導官丞加二百 職內

職歲 尚方丞 主章長丞咸加百 內大匠典事加十

糧濱館丞 花園監加七 藥園監 內饗加百 外

饗正 度子度庖正 饗正 司儿筵加七 漆油丞

林衡並加七 園庭雜仗監 後宮丞 度子度後宮

丞 主家丞 扈衛百石 鷹士 計吏 馬醫

鳥人長加百 漆園令加七 度子度史夫人家丞 扈衛

百工監 內匠監作人加十 大匠典事 直醫加百

內使 右官序

兵備志第八 卷二十五

書曰舜舞于羽于兩階七旬有苗格至于哉德矣以是觀之王者敷德懷遠不能無征有征無戰不可無備若必曰無備乎雖為苗衆可也且徐偃是已是故曰國雖安忘戰必危夫兵者所以禁暴而非所以為暴之若自彼呂尚之說武王將之術也非主之道也是故曰兵如火不戢自焚又曰國雖大好戰者亡可不慎哉國家以武為名其備至矣武王來自商至于豐乃偃武修文歸馬于華山之陽放牛于桃林之野示天下弗復服也蓋猶有可誅之因而示之不伐也

故曰克殷二年天下未集國家自克既歲鍛戈矛月
教甲冑日礪鋒刃者蓋無可伐之國而示之不忘戰
也戒厲孫子奮發憤愉和協隣敵威制遠夷撫柔小
類鎮服姦民於是乎在矣殊塗而同歸不夫然乎
豐臣氏之時大抵十萬石出四千人其君有不征之
田萬石或二萬石以自奉也銃隊將邑二萬石大
垣城主伊藤長門八萬石不給卒弓隊將大嶋雲八
三萬石不給卒行人邑小者千石大田小源吾四萬
石福原直高七萬石行人也左右郎中可十人二人
上直夜則歸家不侍葵饗列士可二百人自伏見如

京役者百二百其無制如此

神祖征伐四方易簡疾人之持管陣之具無帷幕之
官不持一幕關原之役有司陰負一馬克至京師不
之用中軍以草藩而將士居百姓之家散在一二里
之外列侯未見側無侍衛皆坐藁而已其食鍋二罐
一子三成者男子殺之不問女子赦不誅者當如京
師出觀鹵簿無之禁秀吉時久居伏見雖千石之士
不畜馬身獨奉公已公之既以席為牆為以是堪風
雨甚貴儉素然賜左右郎中衣服相繼鮮美列侯之

士無若者慶長二十年三月二十三日知政事忠世

天正十七年十一月十七日伊奈忠次下令國中曰凡有出軍二百石之地為率出
馬一匹牽夫一人無馬則出二人其馬負重下方之弁五斗其糧一人米六合也

豆并邑君給之共出冬地段減一升克雇直

忠利、勝重、信移、檄武川曰：上以九月十一日出都，將遷大阪。邑万石者以二百人，從軍司農給三百人之糧，併食負輦者。蓋當時徵發，大抵如此。砲者射遠，弓者射近，槍者可以刺敵，使槍者謂私自從者，非軍賊之數，是以當戰，執公之槍，兵家者流不知此制，以意起法，不警諸當時，可悲哉！五十騎一隊者，治定之後，諸衛更直之法也。甲越未有此法。
元和二年六月，制軍賊下諸侯封君食祿之家，千石二十三人，使槍二品，方一砲一。二百人自次見如千石二十五人，使槍三品餘同。

- 千二百石二十七人
- 千三百石二十九人
- 千四百石三十一人
- 千五百石三十三人
- 千六百石三十五人
- 千七百石三十七人，使槍四品，弓一砲二
- 千八百石三十九人
- 千九百石四十一人
- 二千石四十三人，槍五，弓一砲二
- 三千石，騎二，弓二，砲三，槍五

四千石騎三弓二砲五槍十

五千石騎五弓三砲五槍十旗二

六千石騎五弓五砲十槍十旗二

七千石騎六弓五砲十五槍十旗二

八千石騎七弓十砲十五槍十旗二

九千石騎八弓十砲十五槍二十旗二

萬石騎十弓十砲二十槍予使槍及儀槍二併三十

旗三

二萬石騎二十弓二十砲五十槍五十旗五

三萬石騎三十弓二十砲八十槍七十旗五

四萬石騎四十弓三十砲百二十槍七十旗八

五萬石騎七十弓三十砲百五十槍八十旗十

六萬石騎九十弓五十砲二百槍九十旗十

七萬石騎百弓五十砲二百五十槍百旗十

八萬石騎百三十弓五十砲二百五十槍百十旗十

五

九萬石騎百五十弓六十砲三百槍百三十旗二十

十萬石騎百七十弓六十砲三百五十槍百五十旗

二十

元和後改制軍賦寬永十年二月慶安二年十月

清康夫人亦親負女初適水野忠政生正俊忠重出
親負亡山中致城子夫人請和清康有所幸婢間其
出執縛手剝陰燒鐵採之婢乃死清康婦見之立逐
之又適菅沼定顯是時松平三光死清康納其妻生
贈納言子一女為松平康忠妻康忠死嫁酒井忠
次江州人筑後守青木貞景女也

宮姬名富參人秀直女仕松平氏幸于忠政生傳通
大夫人又幸于清康生信廣從夫人出嫁倫中守星
野秋國、死為尼名禪應居駿府今川義元居神
祖于宮崎命姬養視姬所居曰智照院神祖常往學

書云義元死于桶狹之歲姬病死

贈納言娶阿智和玄鐵女生忠政後欲求好于水野
忠政天文十年取忠政女娘十二月生神祖既多病
子贈納言不相中會忠政死夫人兄叛駿附尾參相
定吉日公之入駿之力也其德不可遺也終始必子
俱且公少諸松虎視尾欲并三遠而有之誘我寂擾
我邊無一日有安無駿固崎必危今水野氏背駿重
賂以要不可臣願婦夫人更結婚田魚、子駿有
親駿之親我心固矣贈納言數出駿兵禦尾然定吉
之言出真諸酒井正親家一年病已婦夫人于列屋

夫人凡信元望參不與共歸尾絕婚欲盡殺送者夫
人知之至郊遣送者。曰廢命苟生不可為士夫
人曰汝等死二氏相離不解我母子終無見期汝等
為我速歸信元使水野清久高木清秀追之不及怒逐二
子夫人更適久松俊勝生康元等信秀留神祖于勢
田夫人請饋衣食相繼永祿三年神祖將攻九根過
阿古屋見夫人相持而泣從者莫不流涕與康元等
松平氏曰我身也俊勝悅從是屬于我俊勝死号曰
傳通大夫人慶長七年遊于京師病卒。二女
侍妾平原氏平原正次女有。二女

戶田氏田原城主憲光女也贈納言以定吉之計出
水野氏娶戶田氏為夫人築室于外曰城中我子居
之憲光怒賣神祖于尾擗膺自投曰我所生乎我不
至于斯夫人生女嫁荒川義虎。七通筒井定次
免侯又適酒井忠利

神祖関口夫人駿君義元妹之子刑部大輔義廣女
義元冠神祖妻之生信康義元死子氏真不肖神祖
以為不可恃而成于尾駿人責之酒井親忠因嬖人
辞以夫人世子在駿氏真以為然是年拔西郡虜鶉
殿氏長參大臣石川數正脱身往駿說氏真易氏長

兄弟子夫人世子於是後數正婦參氏真後悔所欺
殺夫人父神祖与駿益有隙多所幸諸姬夫人負父
之死与世子大望肆惡言神祖不能堪使人逐之自
勢州之越前追為信康娶織田信長女名共居岡崎
夫人醜惡而嚴于辞遣神祖書曰妾願一見不聽許
妾死為厲能復相拒意尤甚慘甲醫滅慶通于夫人
謀弒神祖立信康合參甲之兵取尾濃盡封信康嫁
夫人于小山田昌行甲許之使者恒常往來不絕
初甲將日向昌時妾亡未岡崎生女長而甚美夫人
恐織田氏聞已謀欲聞之納其女為妾侍者或告織

田氏信康怒立殺告者夫人既知夫妻不相得具告
与滅慶所謀信康驚欲召滅慶誅之滅慶既已亡夫
人猶不悅治妝具待滅慶之報天正七年信長召參
將酒升忠次日所例如此八月令平岩親吉殺夫人
子岡崎九月使大久保忠世殺世子于二股而深怨

甲

萬姬池鯉鮒祠官女姓永見氏神祖居濱松時為浴
室婢幸姬性悍爭細事出其姑入見知無他故欲召
共俱往姬不可居一月生秀康奉行重次知為君之
子入為言之方其怒姬不反措不省偶信康来自岡

崎見秀康憐焉謬為不知見之神祖。又屬諸重
次至秀吉求養子乃遣姬問秀吉將殺之間行往阪
從秀康居慶長五年封秀康于越以姬父為卿志摩
守姬年六十七卒于越後秀康子忠直無道滅永見
鷄殿氏駿將長照女也參拔西郡獲長照子氏長氏
次及姬以二兄易信康幸姬生良祥主於是号曰西
郡君駿七二兄歸參爵氏長石見守慶長十一年姬
卒于伏見
德祖母名相伊賀人服部正尚女參人西鄉清貞為
子使仕故号曰西鄉君寬永五年贈從一位卒後四

十年也

豐臣夫人名旭秀吉同母妹也秀吉為列將時嫁佐
治日向既臨中國求結婚于我神祖曰我有適子夫
人之子不得立秀吉聽之奪日向婦日向志自殺天
正十四年使大野康景納聘秀吉雅固欲致參重臣
示之四方於是不肯見使者神祖亦怒欲絕之織田
信雄恐遣土方雄父竟曰強為信雄地神祖不得已
于信雄更遣本多忠勝五月夫人至濱松使母養世
子而未言之京秀吉方急西事質母求見諸將曰秀
吉無信疑非其母也至与夫人相持泣於是乃行明

年夫人如草津又明年從如京師省母病夫人病留
聚樂三年卒

龜姬加賀守志水忠宗女前為竹腰正時妻生正信
正時死侍上于大阪三成之亂匿于近縣上已誅三
成婦居大阪月餘生義直寬永十九年卒
勝姬太田康資女也小田原平從父自房如江戶本
多不信以其名家子自使入侍聰慧能知意者當
印血自側傷已指灑紙雖左右無知者以故益見寵
居聚樂迨所生女死出嫁松平正綱
知姬不悅
寘諸外不進姬又思死子常潛泣神祖還之養忠昌

乃止忠昌之如江都也又如前時適會方姬娘命屬
諸姬視如已婦迨生賴房子育之有云儀賴房以
是凡視忠昌事姬過于所生自池田輝政女前田光
高女皆子養之神祖厭代剃髮居田安建寺子鎌倉
以所子賴房女為尼居烏死葬烏賴房子孫以女為
尼掌其祀寔曰英勝寺逃嫁者至此其夫不得不絕
以至于今

都摩姬武田晴信季女也命越前守秋山康石之
入侍甚有寵号曰下山君寬永十九年卒
茶阿者金谷鏡工之寡也鏡工与人爭水歐死吏不

治之上還自古良也抱女當道言夫見殺上載婦下
其狀于吏黜前不治者茶阿見幸生忠輝松千代慧
辨主內政出入常從既忠輝遷朝熊其傳茶阿外孫
花卉義雄得罪茶阿失勢成病死

萬姬左近大夫正木賴忠女長門守蔭山氏廣子養
納之生賴宣賴房姬賢歲食五百金分二百金餉松
山故將塙直之曰妾聞有國者以人為本妾非不知
不得彼之力所厚餉之者欲顯我子之好士也賴宣
是以好士過于諸子曾遺之薛華曰此花不崇朝而
蔭之過于午君勉自慎以終天年雖亨人士亦如此

而賴宣嚴急賴房寬大雖同一母所以養然

遠山氏遠江守直景女生一女

德祖妃淺井氏諱連子江小谷城主備前守長政女
也母織田信長女信長殺長政以其室与柴田勝家
之死也有長政子三女秀吉納長女生秀賴之
謂波夫人次嫁京極高次之謂常高次嫁尾大野城
主佐治一成即妃也神祖自小牧還至佐谷船壞一
成救之獲濟秀吉怒陽為波夫人病召其妻至配養
子秀勝之死適左大臣九條道房有二女後德祖
子之嫁東西門跡文祿四年她寡居秀吉子之納德

祖于伏見而妃于波夫人不善嫁天寿至于秀賴時
以至至伏見竟不如改寬永二年薨贈從一位
靜姬父神尾氏小田原人也小田原平井正就母
取姬養于中及長德祖幸之有娠姬以妃妬悍專內
左右見幸者皆死為上法出居麴坊數月生男寔為
正之里人相謂曰是貴人也幸奉首甘相進正之以
是常在外禁之不止姬懼告正就正就以為都摩姬
之姊阿松居田安自神祖時重其貞節唯此可託阿
松聞正就言迺迎于居久之阿松視故甲信人諧阿
松者莫若保科正光長者謂曰丈夫不可長于婦人

之手願以煩君乃以母子歸高遠姬後如會津死
阿茶飯田氏甲將校子為駿神尾之家妻久家見神
祖于宮崎深与相結迨久家没于桶狹阿茶懷兒歸
家神祖入信州見言故神祖惻然哀之以歸賜名阿
茶從往大阪見澱夫人約和阪平賜子守世千石為
宮內少輔德祖時以后假母賜從一位
太宗妃鷹司氏大閤信房女長于太宗二歲德祖聞
妃嫉妬置諸別宮太宗厭代遣命賜五千金妃即為
尼延寶二年薨
振姬故蒲生氏臣津川菑守岡重政孫也仕而幸生

天仙主

萬姬參議六條有純女也初內宮壞久慶光院尼欲
造之天皇聽之賜紫衣有純因以阿万為弟子久之
代師知尼院見謝大宗云悅之留使還俗甚見愛
幸內宮尼院因是起姬兄子戶田忠豐為侍從土佐
守弟信澄為中條氏皆捕為高家然執政密誡阿萬
勿有子大宗厭代給百人之糧
增山夫人名樂子其父然兵僑居野洲以捕鳥為食
人或告然兵殺鶴被誅沒入田宅妻子為婢既遇赦
以孤未為永井尚改舍人七澤清宗婦居淺草適春

姬過其門見姬容色乞父母載歸幸正嚴宗命尚改
為假父封姬弟正利承應元年薨葬南陵贈從一位
夏姬以浴室婢幸生綱重立為甲族姬父藤枝
重家為相攝津守子重昌文宗時為給事中若狹守
姬年七十餘天和三卒
木莊夫人名光子洛人北小路宗利女也弟曰宗資
以夫人之江都仕夫人于阿万幸生憲宗封館
林出居館林邸迨承統尊賜從三位言上增戶曰長
興邑嫁其妹于畠田知忠而報阿方之德初夫人憚
大臣之議為儉約久之不能堪侈靡縱意欲大封宗

族營護持院建議國寺雜流競進外戚之盛未曾有
此也夫人兄弟益尊貴姻連如六角廣治大澤基珍
大澤基次近藤義雪與津宗質森賴利佐野直行佐
野勝富及自家人致顯貴者不可勝數夫人蓋敏慧
僧正良譽白上講外典大善然其術浩不可竟上已
君臨又從教誨為劣已甚非所以攝生矣夫人曰不
然上起自藩國入守宗器苟益治道不以佚自居上
人之言非妾所聞前是吉野徒有妻子本願寺貯兵
於是出妻子賣兵器亦夫人向法之力也聖堂建往
禮焉進後一位室永初薨葬南陵

保母福姬父曰齊藤利三驍勇有謀容事妻叔父稻
葉通朝望有功不錄亡國于外祖明智光秀家光秀
欲弒其君利三諫不可其竟天下共誅光秀利三死
之通朝猶取利三女養之一嫁長曾我部元親一嫁
稻葉正成、妻名福子正成相望抱子亡入宮會
淺妃生世子悅以為天錫之便命為保母号春日君
姬曰夢金龍入懷世子以甲辰生辰龍也於是協其
祥焉既姬抱世子見列侯正成愕然大驚姬有愧容
德祖笑曰卿遂以此奉世子使更娶婦既淺妃愛忠
長欲立之太宗不知見忠長翫好備善常召姬承須

姬外乞貸無不給左右又議長短求媚于妃世子稍不自安欲死以成父母之志姬憂不知所出為祈內宮如勢州過駿府言世子必察神祖曰姬莫憂也獵至江都謂德祖曰世子十五歲我与之朝京師代子位德祖乃惜為起拜東宮於是終安寔為太宗立德姬內外之事言莫不從亦忠誠有補于時以病起宅北城居焉子之吉岡歲給銀千石寬永六年如京師帝為親酌飲之德祖病將不起使祈多賀見彥根彦微入朝事秘莫知故遂如京師省太后病賜之緋袴初上有病姬祈以身代者愈由是雖病不醫迨

疾病太后賜之書上及世子三藩數上復手書使服藥不可死上親詣墓臨哭祭皆命省司初秀吉欲誅姬兄利宗三存細川忠興諸使仕隈本利宗赴朝鮮還平肥後賊有功慶長十年徵賜食邑為伊豆守忠興子忠利因利宗納金帛于東宮是以封肥後姬病上問所欲言姬請以孫女為養子正俊妻也稻葉塚田二氏之興咸以姬故初利宗之東也三存亡後之姬白又子之邑清正朝江都遣使迎之清正見之如初從阪有功補砲隊將子三友官至侍中飛驒守

嚴宗妃者伏見王貞致女也貞靜有婦德寬文中有一男子長大貌極惡單衣索帶至寢宮之下褰帳窺內妃徐起召入衛士縛之左右侍御驚亂走妃曰城門嚴重不得妄入意其為物所驅既喪心志敢犯正人有司驗問如妃言而門者得免辜延宝四年患乳岩醫曰掛絲脰脉不得其詳不親見不可止許之妃曰妾聞乳岩不治借令可治不欲以一死之故而變節不治薨葬北陵贈從一位

憲宗妃諱信子左大臣鷹司房輔妹也寬文中娶為夫人承統時為妃以嚴正見憚憲宗厭代為尼踰月

薨贈從二位

二勝常磐中納言水無瀨氏信女有才貌幸于上為長御秩千石

大典侍權大納言清閑寺觀房女尤見寵幸以姬之兄之女為主松平正邦聘焉上厭代出居北城諸姬一色氏本多氏有娠不育

傳姬畔歛小屋正元仲女也母增山夫人從弟也初夫人之姑之女嫁伯須十兵与正元夫人弟增山正利封邑以十兵為宰而正元男剽輕好博正元逐之為盜所殺為長女招贅嫁季女為十兵子才兵婦十

兵以姬為己子事莊夫人見幸生一男一女迨上承
統之所生子為世子進姬秩而姬忽不樂見于顏
色左右莫知其故者抑沃吉保為上言曰姬之子為
世子姬之父母在皂隸所以極寵益悲思也上曰姬
父母故已久矣豈為此乎吉保曰故者名之而已其
實尚存以卑不敢言又恐為世子之辱不能無悔上
惜曰何害是在我耳令吉保名正元命知政事正俊
子其姓養以百人糧賜其甥楨甚四郎二百石奉小
屋氏後而後姬喜可知其上復徵才兵仕于朝才兵
女嫁木庄侯男親胤承郡上侯後封三上以姊之寡

侍中成貞養之嫁戶田氏成親姻處成列貴顯英才
兵無它子以親胤子為後才兵婦自切好擊劍雖出
入于中持二刀云憲宗厭代姬出居三城德宗時班在
巨勢氏之右卒贈從三位

史宗生母保良父曰田中治兵三女長嫁賣魚
者河原林五郎兵生源右良中治兵死二女從姊居
姊使姬仕天壽至八養子綱重共通生文宗後主知
復孕曰少多子非美事出嫁越智清重生清武死文
宗命娶其姊妹前嫁棚倉侯舍人小槁太兵生黑田
長治清武後皆為諸侯文宗為世子之明年贈

姬從三位改葬南陵昇原右兄弟太兵于朝即位後
令知政事正喬倫祀改葬姬焉
文宗妃近衛氏諱熙子閑白大政大臣基熙女嗣位
時以夫人為妃厭代後從三位進一位享保初從
東城以王立德宗尤重之寬保元年薨
勝姬湏免大納言掃筭隆賀所養園池季豐女見車
有子上厭代為尼
右近者親鸞徒玄哲女仕幸文宗生男於是玄哲植
髮名宗菴姓太田賜子內訖二千石上厭代為尼
清姬父曰勝田玄徹加人也玄徹致為臣遷江都為

僧居唯念寺姬生有龜出簷下見者以為姬必貴迨
長六衛矢嶋治大夫為假父仕甲部幸生章宗給玄
徹百人糧治大夫義子典愛為倫後亦食三千石倫
後三子長子愛通字元著食石為周防守季子光逢為勝田氏
食千五百石下野守玄徹子泰質還俗承父後罷貴
勳天下文宗厭代賜從三位居次上歲造綿衣給乞
見後有再至者從是而止不與
章宗知立正德六年二月詔嫁法皇女會厭代
德宗母淨圓夫人巨勢氏其先為法隆寺城主或為
大井氏或為中井氏皆其族而家富父玄仙以中井

主水為大工如京師子之相近遂學為名儒紀侯光
負求美人之校大讀書作詩夫人應選事紀幸生德
宗宗亦自紀侯入承統使參政迎夫人于紀夫人雅
固閑知前事至關原問參政卿先後軍乎為擊敵者
何功參政不能答閑者以為媿居東城十年卒初夫
人次弟早死少弟由利為紀大衛將德宗賜五千石
位給事中之首丹波守次弟之子至信後為給事中
伊豆守
德宗為紀侯時娶伏見王文仁女諱真子嚴妃侄孫
也室永七年卒

大久保氏大久保忠直女生信宗

竹本氏紀人九八即女以生宗武徵其元正綱為親
信大膳亮

谷口氏生宗尹

史臣曰詩所說姜嫄大姒之事僅一乎而它經無見
非以婦人之義無非無儀耶至其後有聞者過世道
多故也國朝之宮闈至深邃矣自鄉里氏姓難具知
也抑亦以魚秦甚耶可謂非其正哉如嚴妃將死不
改節雖采伯姬何以尚諸德宗處外家無膺仕之請
後世可則

皇朝高僧... 卷二十七... 宗室傳第二上... 親氏二男酒井氏生廣親在原氏生恭親廣親別者傳

宗室傳第二上

親氏二男酒井氏生廣親在原氏生恭親廣親別者傳

恭親六男曰信廣信光益親家久家弘久親

信廣初子群弟攻取安城後病不仕嗣居松平村死

子長勝鬪死伊田孫勝茂曾孫信茂並死于岩津之

戰信茂之弟曰信吉子子信勝死于小豆阪之戰信

勝謀納贈納言者其兄親長有三子織田信長攻長

子親信于高槻殺之次子重長死于長湫季弟由重

川屋之戰傷不能行東近時失邑慶長末賜由重之

子尚榮松平五石此其宗五六世少死歸下者而
子孫不至大官所謂富貴在天者耶益親以下四子
無博
信光子曰守家親忠昌龍興嗣光重光英則定忠景
光親家勝親正親則親貞兄弟蓋四十八人云
守家親忠興嗣光重僧昌龍從父拔安城守家左京
亮居竹谷為竹谷松平氏曾孫玄蕃頭清善當贈納
言卒攻安城功多清善有同母兄曰鶴殿長持為駿
守上郡清善攻之不利守參公攻克之甲兵入遠州
參兵數却欲塞宇津山無敢往者清善時致仕聞之

奮往公大悅增食邑遣之子清宗倫後守嫁妹于石
川家成甲之將攻家成于掛川以其欲助之遣戌新
阪賜食邑菅谷甲敗我于御方原夜率兵如堀江長
篠之役別從酒井忠次拔萬巢從定遠州拔高入神
子鳥居元忠內藤家長以軍監從定甲州守元忠守
古府賜邑二千貫還居興國寺城居子家清于竹谷
小牧山之役盛兵陰偷小田原之役留元吉
原公如奧州清宗已致仕猶入守西城是時家清食
八幡山万石慶長五年役石川康通守清洲三成死
封吉田三万石卒子忠清立二年卒無子因除封弟

清昌西郡五十石奉其祀甲寅帥兵守本阪明年從
賴宣如阪

興嗣佐渡守居形原為形原松平氏孫親忠佐渡守
神祖歸參使小笠原長淳說降之親忠子家廣娶水
野忠政女贈納言絕水野氏家廣亦出其婦子家忠
紀伊守親鸞徒作乱居形原拒賊甲人窺掛川軍于
竭塚倫之從破越兵于妙川長篠之役別攻拔萬葉
歸自小山殿入信州諏訪賴忠夜襲家忠營擊敗賴
忠攻高島功多小田原平食五井五十石子家信伊
豫守潛從軍至小牧山伐敵于羽黑于長湫九戶政

實反往為館于岩手山慶長五年軍于毛呂崎倫九
鬼嘉隆三成死復食邑形原改紀伊守補關東都舩
丞甲寅從久野宗成守駿府遂移病致仕元和四年
起為畱守封万石明年移食高槻二万石城二條寬
永十一年為大畱守進從四位下上居西城以家信
兵守北門移封佐倉卒子若狹守康信前是從升上
正就攻阪再從賴宣如阪還守荒井於是襲封復從
高槻居十年增食筈山五万石皇宮災帝出居白河
康信為衛九二館韓使于阪一造阪京門收宮津進階
從四位下老子典信立典信卒子信利立信利率弟

信庸之後西帝萌率兵守般舟院元祿中給事于中
為侍中一年遷京兆尹侍從賜俸万石會帝有病將
祈當先報信庸曰借令万一有增加祈之無益非奉
帝之意先行以聞近衛基熙為甲示尹曰攝關之
職在消兵革何親擐甲為信庸為公藏之使人將出
去上善之徵為知政事居二年病免笹山有知死之
日者商民異之往者甚多遣吏視之其日果死信庸
數其子曰執左道惑衆者死無赦父魄既喪忘有大
刑汝不爭之何半削其俸信庸子信峯時率兵收郡
山以奏者兼相曹久之不樂劇職請罷祠曹

典信次子信孝承叔父昭信後憲宗時歷二衛將給
事于中抽參政封小島侯一歲卒以戶田重治子信
治為後補親信後免為大衛將卒子信嵩立
光重号曰大膳亮岡崎城主西鄉彈正數為親忠所
敗乞光重為嗣求成光重是以為岡崎松平氏常從
軍有功光重卒弟親貞代之惡信忠無礼於之清康
立欲遷岡崎親貞不可清康攻拔山中親貞恐輸女
于城以平清康難之問大夫保忠茂曰君其許
之勿以細行壞大事取城服衆於是乎在兵從是之
後親貞居大草為大草松平氏永祿三年親貞子正

親攻尾房山死之子康安自御方原往二股甲穿水道移之正親于城主中根正照于城于甲出其衆參公救之不及攻小山先鋒長篠之戰于斬甲二人圍蟹江疾鬪蒙創為大衛將圍小田原後從如關原拜石見伊豫守從攻阪還墜馬傷肱明年不能從軍命事駿後忠長子正朝以宮衛將從攻上田後拜壹岐守從攻阪遷大衛將代父為駿卿典修祖廟寬永九年上癘駿疾執正朝于下館已徵為水戶卿光英家勝親正成並傳
則定居立井為立井松平氏子則忠攻拔深溝便以

為城至絳曰叔父斬城主且未食邑請予之長親善其有讓許之贈納言之出則忠子信長棄邑從出子曰忠次擊却尾兵于安城尾敗我于清原忠次于安倍忠政大久保忠俊却亦擊敗尾以功賜伊田羽根後二年与弟信次共死于渡理之戰少弟忠長死于御方原參公還自駿召忠次于景忠復其父邑景忠子伊昌東遷時食二千石德祖善其世効誠節召子忠實加元服關原之役伊昌已病遣忠實詣軍甲寅土佐守忠實從政阪明年守伏見神祖病大漸遣忠實曰我方憂西自山道往守伏見居三年而還終于

大衛將

忠景居岩津併小見保母有之以斬深溝城主賜深溝為深溝松平氏子忠定居守山一為參一為尾忠之生好景善國風曉兵法娶婦于櫻井欲因尾而叛因人以是疑好景實不與謀迨清康死棄守山還深溝後伐取中島參公賞其功與之中島長良城以迫東條兵攻上野使子伊忠救之義昭因潛兵襲中嶋好景聞之馳至擊敗義昭進欲破東條幸呂兵子義昭前後擊而殲之群弟免者參人哀之永祿六年參公使鷹深溝謂伊忠子之驅敵若

鷹之驅鳥故賜子鷹鳥我今新取長澤其地當駿甲之衝非子無克守益邑遣之是時甲人入牛穴注問伊忠在長沃而還親鷹鳥之亂伊忠居深溝數攻土呂針崎已取野羽虜夏目吉信知吉信可用白居諸麾下御方原之戰已敗參公曰甲蹂我郊鑿我兵我何治為吉信當道諫曰一勝一芽非興廢之所由君心速反公怒躍足踢之吉信迴馬首以搥鞭馬中公之曹吉信曰臣而擊君之冑不可生還見公之行遠走敵而死於是伊忠可謂忠矣得鳥不為功保其君成其名賊已哀陣喜見寺迫吉田長篠之役從酒井忠次自

間道攻鳶巢、已破進焚甲管扼津擊其敗兵我
衆不繼力屈死初子家忠將從伊忠曰參甲不雨立
為雌子為雄在今日、事在鳶巢甲兵雖得一將
死之可敗我家世立忠誠我心當之然我死汝復不
還使汝負罪祖考汝必止善事君勿廢我之言明日
家忠戰于長篠有功後軍大井川上別從榊原康政
攻田中使如岐阜天正七年守牧野伏兵伐甲韃童
八年後攻高天神燒其城下如岐阜乞兵以歸攻拔
之入甲州立磐川木畧地至善光寺積糧上口待分
之至還守江尻酒井忠次擊森長一于羽黑家忠出

其後燒壁敗之子諸將交守外山秀吉出羽黑擊遊
騎獲馬十五疋秀吉退前取樂田之木遂守小幡家
忠善候知敵每戰伏兵襲敗石川數正出奔家忠馳
入岡崎守之小田原之役立營吉原待秀吉城駿府
造天主城伏見及典西鄉君葬事每有大興作常掌
其政令在小田原諸將夜望火以為城兵出軍中甚
喧家忠曰城將潛不能出或直政來風雨入城不則
叛者也使視之果直政也小田原平守忍封石後
二年封上代遷小見川公如會津令子鳥居元忠等
守伏見羽柴秀秋將攻伏見家忠擊敗佐賀兵會反

者燒城三伐薩兵皆却見秀休入城自殺死後死者
八十五人家忠著因史起于天正終于文祿孫忠冬
憲宗時為東宮傳隼人正增前續後為二十五卷又
作豐臣通紀五十卷家忠三子長子忠利嗣族次為
忠一歿于大坂之戰以無子立季弟忠隆為後忠冬
者其子也自好景以下死事四世、以為烈士之門
初德祖名忠利使元服忠利求從軍曰臣義不子離
共生神祖曰義宣虎狼也一騎過河房總非我地汝
強為我曹小見川二總喉衿也竟不許忠利三成平
從居深溝後德祖朝京師為主殿頭以父故食吉田

三万石甲寅遣兵守海道諸城特吉田不遣曰忠利
之國也阪決仁和寺隄使忠利塞之已自天滿進迫
羈兵還化尼崎阪將薄田兼相率兵責租于尼崎忠
利親對使者曰君奉使不親至徵政長孰信之者忠
利在此請面聽命兼相欲復尼崎問忠利有備而還
乙卯請為前鋒上壯之不許以屬賴宣不戰後戊大
阪進從四位下死子忠房立從刈屋又從福智山率
兵收宮津寬文九年增封島原六万六千石典九州
兵馬境內甘露降白鳥集生連理木双頭蓮云忠房
無子以從弟之子忠雄為嗣給事于中忠房致仕代

為主殿頭又進從四位下嬖大夫黑川賴母欲為後
老臣滋川主膳度不能諫止使人偽亡如大阪告土
此賴捨、者要忠雄姊驚殺賴母使忠雄致仕立
大夫忠長、卒以族人忠刻為後忠刻實小笠原
氏也於是深溝氏絕忠刻為奏者寬延二年朝江都
渡海溺死子忠祇從封宇都宮以島原要地也

光親居野見為野見松平氏以女塔重親為後重親
子重則以居阿知和為阿知和松平氏與駿甲戰常
從有功遠州賊襲岡崎子青山義門擊之敗賊義門
死于岩津重則弟曰重吉師學書岡殿入菅生塔馳往斬之親實乃取名騎遂住菅原居忠吉

為奉行政寺部有功增食邑酒并忠尚反力戰走之
定遠州常進在前謂人曰八十老翁非貪功者恐尾
兵先于我也其壯如此世子始介重吉贊之諸將采
焉其二子皆死于事少子重勝以大衛將數立軍功
後為越峯封三条花卉遠江擅權重勝不能制阪之
役再以前驅將從神祖以故不坐越後事封關宿居
二年德祖欲後居駿府從重勝橫城為駿府留守無
幾何卒子重忠前為大衛將從阪之軍於是代守駿
府明年往守阪元和八年封上山四万石上往京師
衛蓮池門會病卒猶以其人守之與子以女塔小笠

原直為後直後從龍王事在兄忠改傳居三年
命造後宮耶蕪亂後松平信綱伐賊明年從高田卒
子直好立分七千石封三弟尋從杵築老子直之憲
宗時以奏者領祠曹四年免直之生重休下章宗
時卒以新庄直詮子親純為嗣其出也
重忠弟亦曰重則為內膳下從藤堂高虎為奉行城
篠山以前驅將從攻阪還為大衛將本多忠刻卒使
往姬路奉天壽主婦西鄉夫人贈一位往參致祭其
墓後為奏者兼留守將于騎卒五十封百首下石傳
子至孫如死嗣絕

少弟出雲守勝隆為大衛將有士七十人卒五十人
德祖以諸侯毀阪城勝隆及水野分長松平康安止
郡山待令明年既戰後軍有發砲軍大擾勝隆獨持
槍前神祖壯之命正諸衛切罪越後之事同父重勝
收高田城邑元和末命侍世子從如京師又奉王如
京嫁九條忠象明年兼奏者增食邑為使者收松山
還領祠曹耶蕪亂使如島原封佐貫万五千石後子
久世廣之加高野承應帝崩奉使往吊寬文二年老
無子呂川高如子隆治嗣以奏者領祠曹久之病免
貞享元年坐大不敬囚于會津奪侯

光親男親友食邑大浪小阪没于西野之戰子忠恒
以年十七誅反者增子邑三忠恒孫忠倫居佐崎為
佐崎松平氏長親卒以城降于尾固壁上曲事有害
于國無不為也廣忠深惡之遣笈重忠刺之忠倫弟
重弘忠親、成忠就為凡守山中為山中松平氏忠
倫死酒井正親攻走之後名忠就守大野有功復賜
佐崎親鸞亂牛奔肥後
忠恒弟親綱以女妻大河内正綱為後正綱兄秀綱
為伊奈忠次屬吏後忠次經理東國疏沮澤之阡陌
視土之宜否教民種樹關内為沃野正綱以甘繩城

主從關原之軍為親衛將駿府立抽參政領司農增
食二万二千石嘗曰蓼易生之物而不患無地故知
求蓼者晦生理又曰樹木先視其地之所有繁茂者
而樹之其殖官財多此類而不至厲民駿府灾火遽
起無出婦人令吏投蒲席填墮幕裏而下盡免阪之
戰軍中火起正綱板倉重昌加、凡直澄閉營門備
非常乙卯我軍少退正綱与諸侍于中者橫槍居前
遂以大旗進還同板倉重昌秋元泰朝署行事以遺
命奉柩如光陵駿侯奪封與永井尚政使收城邑正
綱子隆綱以奏者使收島原憲宗時掌修光陵子則

烟元祿中自奏者遷參政二年復為奏者監鶴岡工
作移封小瀧侍世子正貞享保中為奏者卒于正
恭立
親則倫中守居岩津強暴以剽劫為事郡縣若之後
從長澤為長澤松平氏玄孫改忠自大高使往捕狹
死于駿君子康忠驍勇所向無敵甲竟不能攻長澤
從如妙川疾鬪拔高天神斬首十級從定甲信賜食
邑都留為上野外康忠辭邑遂欲遁世羽黑之戰功
最天正十六年去如京師三好秀次守邑十方不受
秀康封為越後名之不行東遷時封于康直于深谷

食万石死無後元和初以形原封康直從子清直比
小侯享保中康忠外孫直信子昌興詣闕自陳召見
于銀百枚復其田宅
親忠九子曰親長來元長親、房起堂親光長家張
忠乘清
親長修理亮居岩津謂之岩津松平氏駿圍岩津不
能拔長親伐大敗駿兵親長無子死嗣絕
來元加賀守以居大給為大給松平氏為細川城主
卒玄孫真乘以後小山賜邑二千貫御万原之戰人
或不能去直乘反陷陣守共去以守武節如甲名子

家乘元服九從軍莫不稱名東遷時封家乘于名和
万石為和泉守關原之役請從軍上命守吉田誅三
成使守桑名明年封岩村二万石位次世列內諸
侯之上甲寅家乘卒子乘壽部稻葉正成平岡賴勝
遠藤慶隆竹中重門稻葉方通妻木貞德遠山方景
大嶋小野高木之族出于牧方子福島正勝從伊奈
忠政塞阪人所決澱水陣其上遂毀玉造而去明年
從入朝為和泉守又將美信衆軍于牧方子京極忠
高等首尾相應城壞縱其屬捕首虜太宗時為奏者
食濱松三万六千石為世子傳世子即位為知政事

侍從免分月治事從館林食六万石卒子乘父立從
于佐倉于唐津卒子乘春立乘春卒子乘邑立憲宗
時致從從平中野淺野長矩擊吉良義央于殿上在
位咸趨之乘邑猶少不動日朝有位著以供上令安
得擅離其所知政事土屋數直奇其言以女妻之頻
從于鳥羽龜山波德宗命守阪畱守一年為知政事
侍從封佐倉典光陵行事代水野忠之判度支從是
遇之益厚事無不關其手專權勢為剝下之政延享
二年大有事于祖廟以勞增万石初適長孫生賜次
子乘基二千石為親信少子乘畱大為姦利乘邑不

知日：集群小茶羹求古卷名画人或惜其無學本
多忠良曰不然夫人而學翼子虎者也信宗在東宮
時已不能悅嗣位初事必從旧貫信宗不任以擅
權不讓奪封更封長子兼佑于山形使兼邑不得居
都兼邑將如山形病卒前是兼基亦死無後兼佑字
保卿位次如故削所增賜父之地
兼元孫親清其田在太代甲取之寄食于宗邑家兼
方幼親清子正率大給衆從軍石川數正者正正
之帥而子之交善至奔阪使人邊之子俱行正正撫
斂叱而曰正正子反者乎不速去斫頭數正以事洩

出奔公至岡崎收諸將之質歸正之子曰正正不
可求質東遷時子之三倉死于伏見之難其子一生
守宇都宮以父故封板橋万石号水戸有車猛虎者作
乱捕得其使殺之子諸將謀捕猛虎正子成重甲車
成小田原乙卯後攻阪明年造光陵封西尾二万石
役丹龜山城二條卒子成昭敬宗時遷府内老子昭
重憲宗時為奏者昭童子正禎以奏者原祠曹德宗
時卒三宅康雄子正貞立正貞老子正房立
兼寿母石川康通女也迨封館林悼舅氏無男女分
次子兼政五千石蒙石川氏姓嚴宗時兼政為親信

美作守遷傳領親衛將登給事中侍中為參政封小
諸万石憲宗時益五千石使收田中歲餘為奏者益
食二万石卒子乘紀立復松平氏給事于中美作守
此時美作守多以不善終改為能登守移封岩村為
奏者卒子乘堅謹慎寡言自奏者遷參政輔世子十
餘年增万石為大傳侍從世子即位為知政事典璽
書墜馬卒乘邑子乘蘊立
真次家乘弟也盜十餘人執兵入飯塚吏莫敢擊真
次圖而盡獲親斬一人虜一人元卯從軍斬二人元
和末子子乘次並以前驅將從世子之京師為大衛

將縫殿頭卒前乘次末生養內藤信廣子乘直於是
先令子養子四千石巳子三千石乘直讓乘次不受
將亡乘次日兄亡亦亡大宗賢之子兄三千石為宗
而分弟四千石兩遂其節乘直登三衛將遷駿府留
守左近大夫益二千石正德二年乘直孫乘正家立
十九人出奔囚乘正于溝口重元按驗乘正不恤下
致散亡無佗故赦削二千石乘次登三衛將縫殿頭
遷畱守以職俸為邑益二千石憲宗時為大坂右副
畱守增万石卒子乘成立亦終于父官無子以本多
正種子乘真為後享保元年卒子乘盈立

親房僧起堂親光張忠無傳

長家左馬介居安城為安城松平氏天文九年尾攻

安城信廣以利長康長救之信廣康長家咸死利

長以為不免奮擊陷陣尾乃退康長張忠子也

乘清居瀧脇為瀧脇松平氏弘治二年尾攻殺之

長親五子曰信忠親盛信定利長義春

親盛右京亮受福釜東端二城為福釜松平氏攻守

理深入疾鬪信定嫉其成功不繼進清康望視大怒

親盛及子親次不反面而死清康數信定怒於

是子福釜子其少子親俊得救兵擊敗尾將柴

田勝家親變亂益固壁拒賊親俊子康親為大衛將

仕忠輝為川中島畱守封厭川孫康政時失封

信定內膳正受櫻井上野二城為櫻井松平氏於清

康時屬尊功多增賜食邑為孫家次娶尾君妹以女

嫁深溝大給長澤川屋皆強族參人畏之內外倚藉

根據大固清康少壯不省禮之益謹而以守理之役

故伴病不出守山之變事起倉卒嗣子孤弱信定以

為國可有也召尾襲岡崎不克矯長親之命盟國人

于已謀殺嗣子大臣不能制阿倍定吉抱嗣子奔勢

州信定知國人不服以信守岡崎分親兵據之天

文五年嗣子以駿人入平呂攻降吉良信定曰是奇
粗也我者侍中適子孰敢有爭唯不逞之徒欲貨孺
子以圖富貴不誅亂無已時發兵攻平呂見士卒無
鬪志恐亂作班軍曰因孺子非我之志又盟國人尋
變作五月朔夜未旦大久保忠俊酒井忠親酒井忠
次石川清兼石川數正入岡崎盡斬信定所遣兵迎
嗣子于平呂寔為贈納言國人於是大悅乎獻酒肉
造岡崎信定不知所出因長親謝罪初長親惑信定
之言閔孺子用駿兵怒及國人迎之而後喜此行也
義春有力入則先至因赦信定位義春之下信定怒

不同日朝一年卒其後子清定會長親卒恐不容召
酒井忠尚舉兵自奇贈納言攻之怪其無聲以為怯
門之清定出擊敗之墜水而死者不可勝算明年又
攻之卒戰不克臨陣而降居諸櫻井永祿元年尾園
科野是時清定已死于家次夜擊殺尾壯士十人
尾兵散走從為前鋒敗駿于岩略寺吉良義昭因親
鸞徒作亂親貞子昌姿家發兵應之已乞降參公逐昌
次復家次、慙成病死公以同母妹嫁其子忠正
、死弟忠吉蓋為忠吉卒兄子家廣立東遷時封
松山万石父子咸有軍功慶長六年家廣親殺其相

上使吏問烏恐自殺前是忠吉子忠賴以家廣之病
代侯故不失封三成之亂自守都官還守岡崎三成
敗守金山增食二萬五千石至明年封濱松五万石
補親衛將發邑民城駿府十四年大衛將水野近勝
蒙謹居日比谷夜飲酒忠賴既醉服部半平者拔刀
擊父米左平次、、援刀後之忠賴自後抱持不
得起為助半平刺之不殊一坐大亂爭格殺左平次
近勝恐自殺忠賴不愈死因除明年子忠重賜深谷
八千石元和中為奏者封佐貫侯上如京師心百首
備非常自取之役有出心為處守四城江都一城駿

及成駿阪寬永十年移封田中上還自京師過田中
增封邑後役食掛川四万石卒子忠政幼移封飯山
一城江都閔高田之田七成大阪憲宗時卒于成所
孫忠敏立子斬菅安藤宗大郎未踰年卒弟忠喬立為
止造大夫人廟後掛川役尾崎德宗如光陵守古道
口信宗時以諸松中故老無有過失進從四位下
忠重弟忠直為押鴨松平氏官衛將淡路守子忠氏
親衛將主稅頭以殺妻父削籍
利長以居藤井為藤井松平氏共謀復贈納言子信
一從家次守料野偶夜雨大風襲破尾兵從是臨戰

斬獲常多拔長澤尤多功親為亂擊却賊于藤井從
子賊戰一人砲中信一前欲斬其首信一未仆瞪目
叱之賊劈易跑去屠堀川先登織田信長攻其作不
能壞信一時往會先登乃克初信長見本將短小而其容不悅於是大賞之身雖短其膽甚全毛遂
共納大將軍義昭于洛信長弟信包後者子信一從
者相罵攻信一館信一擊殺數人信長遠台信包還
而謝之拔池田先登畿内已平子鳥嘴銃遣歸信一
歸具錄行軍形勢以告參公悅曰卿有文武之才小
田原平食布川五千石關原之役居布川備水戶三
成平封土浦三萬五千石佐竹氏從羽州率兵收江

戶崎國府二城守江戶崎故佐竹氏將車猛虎謀殺
信一而作亂事未集被擒上從信一于水戶賜子信
吉邑自府中從江戶崎信吉實櫻井忠吉子也信一
後進從四位下卒常州已定信吉往守伏見甲寅移
戌葬曲又守今里明年居伏見藤堂高虎稱其曉兵
法用為前鋒有功神祖曰高虎言信矣阪崎貞成反
子諸侯圍其家頻從高崎笹山食五万石子忠勝前
從阪之軍襲封之明年收福智山戌之移食明石七
万石卒子信之延室中閱播州之田為奏者兼祠曹
從郡山增万石邑水尾帝崩屯兵京師鎮非常憲宗

時使叔高田無幾免奉朝請如京師如光陵負享二
年上親書忍之字賜之為知政事從四位下從食古
河九万石歲餘卒二子忠之嗣族信道分食葛城万
石忠之無檢束常遊倡家知政事戶田忠昌台面諫
之忠之怒歸家自斷已髮以有狂疾不可為族因除
封信道庭瀨三万石奉先祀元祿六年事也後移上
山德宗時卒于大阪子信恒立以病老忠隆子信將
立
忠暗忠勝弟也同兄元服于中典視膳飲從園及還
朝于帝為伊賀守寬永九年為宮衛將封万五千石

尋兼奏者轉大衛將久之封田中又為宮衛將徙掛

川字丹龜山率兵叔福智山明曆史分築内城遷奏
者致仕長子正俊先卒以兄子忠榮為嗣於是忠

榮病少子忠昭三年又忠暗死姦臣相謀殺忠榮儒士皆靜疏言之下獄死忠昭憲宗初卒為子忠隆幼立弟忠易

三年拜參政遷侍中元祿初坐事免俄又給事于中

復侍中從四位下前後三遷封上田五万八千石甚

被親幸至就第飲燕會憲宗崩群臣以例免中官初

忠易承兄後不立其孤而立己子因幽凡之孤子上

田恐人諷已以暗昧得罪者多俊傑之士也及上山族

病以忠隆子信將為後悅忠隆德宗時起為京兆尹
八年入為知政事上如光陵子忠愛假奏者從行已

忠易卒忠愛立為奏者其徒士亡仕本多正珍忠愛
欲得甘心正珍逐之使自捕不得又歸正珍是以望
正珍追正珍為知政事愧為屈稱病老

義春右京亮居春日城為東條松平氏攻日近死之
參公泣曰我失一臂以子家忠知令其臣松井忠次
攝軍事親為亂家忠軍于幡豆迫東條以功賜東條
御方原之敗反擊卻敵還自小山殿是時信長聞家
忠有駿馬求之踈齧不可騎來反之服馴如故云故
駿君來自相居掛川命家忠、次為圖駿屯大井川
上別從擲原康政攻田中心二山別与牧野康成攻

持舟拔之天正九年卒嗣統

信忠三子曰清康信孝康孝

信忠之老也与信孝三木號為三木松平氏守山之

變与阿倍定吉謀整軍歸尾不敢追信定弱孺子諷

信孝遂之不可定吉度孺子弱不能与之抗國人未

可知奉孺子出信定乃遣兵戍岡崎信孝勢不能禁

陽為事信定潛与康孝通使于孺子所非得駿不得

復駿許之未幾大久保忠俊將納之語信孝對曰因

士之所謀無不成矣然彼多為耳目者万一不克無

繼今日之事諸君為之我姑避之稱病以康孝如有

馬有乳母謹慎子之管鑰日忠俊求之雖莫夜必与之至京師聞贈納言入而反信孝於行叔父也又有大功從祖親長弟康孝死無後取其田國家之事無遺之者富於公室板倉賴重降台為家臣參大臣竊相謂曰櫻井幾乎亡國矣今仲父擅取自封位尊功大而專斷大政一旦搖足事固不可知徃而無厭不虧君安取之不若逐之以絕危之本贈納言止之不可天文十六年贈納言有病使信孝如駿出則滅其家駿君為請三不許信孝雅固忌定吉未有葭於是怒曰我悔不誅定吉于守山自駿奔上曲會拔三木




依忠倫忠尚降于尾為岡城王以連岡崎從者欲刺贈納言驚曰如此國心亡得斬定吉等足矣逐我者此輩數人耳九月參政信孝于渡理斬松平忠次松平信次島居元繁明年參尾戰于小豆阪信孝以兵也百人襲岡崎忠俊正親清兼伏兵射殺之贈納言撫尸泣曰仲父之惠不可忘我欲復台之卿等其不可生致耶及其子重忠孫忠清皆為大衛將康孝以受鶉殿為鶉殿松平氏守山之妻尾兵八千深入岡崎康存將拒之左右各四百人見古軍敗日衆欲為君死今咸得欲亂列而進尾兵大破請平而

還軍吏曰渡矣矧擊之可敗康孝曰大岡不可欺也
我兵少戰疲若不克併岡崎失之後子凡及大臣納
贈納言無幾死子康定没于針崎之戰


清康三子青木氏生贈納言宮氏生信廣救安城死
之成譽不知母氏為僧居大樹寺

贈納言二子水野夫人生神祖浴室女出生康元肢
體痿痺不能為人以居桑谷為桑谷松平氏子孫選

神大衛闕去



漢書史曰漢大國學之可致在孝曰大國而可致也
武共女成疾者不充併國不夫之被身死亦大
謂周言無幾死子康之漢子歸崎之致
漢書之三子青水氏生贈游官官或生信食其
一說考其母氏為傳居天州市
漢書之三子水野夫人亦神祖孫室女
漢書之三子水野夫人亦神祖孫室女
漢書之三子水野夫人亦神祖孫室女
漢書之三子水野夫人亦神祖孫室女



新
史